

門  
號 3176  
卷 32



敘東南洋

魏源曰志海國莫瑣于明史外國傳傳成于尤檢討侗  
侗本乎明外史及王圻續通考大蔽有三一曰西洋與  
南洋不分古里瑣里皆南洋近國而與荷蘭佛郎機同  
卷意大里亞處大洋極西而與柯枝榜葛刺同卷甚謂  
佛郎機近滿刺加何翹秦越同席其蔽一二曰島國與  
岸國不分謂淳泥即大泥則移島於岸謂亞齊即大食  
波斯則移岸於島謂柔佛即佛國而東西竺島即天竺  
賓童龍即舍衛則移西天於東洋至若婆羅閣婆大小

瓜哇影射互殺卽槃捫燭其蔽二三曰同島同岸數國不當分而分大泥彭亨柔佛滿刺加吉蘭丹皆暹羅南境屬國也婆羅浮泥瓜哇蘇祿文萊馬神皆一島所環處也止宜以毗連各屬國附於暹羅之傳以淳泥等統立一同島之傳餘自亞齊三佛齊小瓜哇錫蘭山等著名數大島國外類皆荒洲小嶼人不過數百家貢不過一再至無關沿革何與共球止宜統述一篇臚其名目乃各國各傳觸目迷離概稱在東南海中無疆里沿革可徵無市舶邊防可述其蔽三魏源又曰天地之氣其

至明而一變乎滄海之運隨地圍體其自西而東乎前代無論大一統之世卽東晉南唐南宋齊梁偏隅割據而航琛獻賚之島服卉衣皮之貢史不絕書今無一登于王會何爲乎紅夷東駛之船遇岸爭岸遇洲據洲立城埠設兵防凡南洋之要津已盡爲西洋之都會地氣天時變則史例亦隨世而變志南洋實所以志西洋也故今以呂宋荷蘭佛郎機英吉利布路亞五國綱紀南洋其越南暹羅緬甸日本四國雖未并于洋寇亦以事涉洋防者著于篇而朝鮮琉球洋防無涉者不及焉凡

海國圖志 卷五  
海岸之國三海島之國六


海國圖志目錄

東南洋海岸三國

卷五

越南故交趾

卷六

越南分國沿革林邑占城

卷七

暹羅故扶南

卷八

海國圖志 卷五 目錄

暹羅分國沿革真臘東捕塞

卷九

暹羅屬國今為英夷新嘉坡沿革滿刺加舊柔佛

卷十

緬甸朱波

朱波

朱波

海國圖志卷五

東南洋一海岸

阿細亞洲總說原本無今補輯

明艾儒略職方外紀亞細亞者天下一大州也人類肇

生之地聖賢首出之鄉其地西起那多理亞離福島六

十二度東至亞尼俺峽離福島一百八十度南起瓜音

哇在赤道南十二度北至冰海在赤道北七十二度所

容國土不啻百餘其大者首推中國此外曰韃而韃凡

牧部落曰回回曰印弟亞即五曰莫臥爾小白頭曰百

兒西亞大白頭曰度爾格都魯機曰如德亞天方默德

並此州鉅邦也海中有鉅島曰則意蘭即錫蘭山曰蘇門答

刺曰瓜哇即葛雷巴曰渤泥此渤泥為島可證謂曰呂

宋近臺曰馬路古坤輿圖說作木路更有地中海諸島

亦屬此州界內中國則居其東南其北極出地之度南

起瓊州出地一十八度北至開平等處出地四十二度

從南涉北共得二十四度徑六千里東西大抵略同其

距大西洋路幾九萬開闢未始相通但海外傳聞尊稱

之為大知納近百年以來西船往來貿遷始闢其途兼

以麻算之士得歷中華廣聞見曠然遠覽其一統志所  
詳者今不復述姑錄全洲大略于左

萬國地理全圖集曰四大地之中亞齊亞最廣大長二  
萬四千里闊一萬二千三百里大地北極出地二度至  
七十八度英國中線偏東自二十六至一百九十度南  
及印度海有東京暹羅北耳西海隅北及北冰海東及  
太平海與其海隅西連歐羅巴大地及地中海有微地  
與亞非利加大地相連又及於紅海隅與印度海也在  
此大地內南方之各國稱謂蕪來由列邦暹羅安南老

撾、緬甸、五印度、北耳西、亞刺百等國、北有俄羅斯藩屬國、亦稱西百利、東有中國、及所屬滿州各地方、日本羣島、並琉球、西有西域列國、與土耳其基藩屬、中有蒙古族各部地、沙漠、西藏、東南邊則多羣島、廣大且遠焉。○亞齊亞、西方為各人類始祖之本地、道理術法、與教門一皆由亞齊亞出、故亘古至今、視為重地。案亞齊亞即亞細亞也、一作阿亞

越南一

安南國在暹羅之東北、國都建于傳依。此曰傳依、後又曰虎地、蓋西京

順化港之異名也亦原有三國、一曰廣南、一曰干波底阿、一曰

東京、并有干波底阿所屬之臘阿士窮巴兩小國。干波底阿

地接廣南、當即明史之賓童龍、與占城接壤者、蓋廣南以東、瀕海之小國干有七百七十四

年。乾隆三十九年因廣南光中王冲幼被難、與其遺臣遁于海

島、遇佛蘭西教師阿特蘭、彼此投契、其懷義憤、遂回佛

蘭西乞師、適值佛蘭西國難未定、閱數載、始請得兵船

助其恢復、于千有七百九十年。乾隆五十五年滅仇復國。案此

安南光中王冲幼被篡、事在乾隆三十九年、借西洋兵復國、事在乾隆五十五年、既非明嘉靖中黎維潭復仇滅莫之事、又非嘉慶七年阮福映借暹羅兵復仇滅阮之事、乾隆五十五年、正阮光平篡黎氏、黎氏投中國之

海國圖志 卷五  
時更與此情事不合以前後考之此當專指廣南而言  
李侍堯高宗御製詩集乾隆乙未題平定合符詩注云  
地在安南王城西南遠隔重洋昔為阮姓竊據歷九世  
皆稱順化王與安南黎王世仇會順化王死有子二嫡  
幼而庶長先立其舅擅威福有同姓阮翁衰者以除奸  
立嫡為名募兵自稱西山王偪順化城二子皆出走李  
阿集以戰功封開國公阮翁衰思自立眾解不從李阿  
集入海遇順化二子舟劫奪其財攜家回內地為有司  
所執籍其家得調兵玉符上下各一左右鑿柄相應形  
圓而髓鑄小篆文云案乾隆乙未為四十年與此志  
三十九年先後一歲情事正符而二子海中被劫即此  
志所謂遁入海島之事阮光平本名阮惠有兄阮岳即  
詩注所謂嫡幼庶長之事蓋阮光平幼時本遭難遜荒  
及長乃借兵恢復廣南又乘黎鄭內釁之際因並據安  
南耳中國惟知其晚年盜有安南之事不知其幼年亡  
失廣南之事惟御製詩注與此志相表裏而滇繫  
載師範安南紀略亦與此志互有出入光中王之為阮

光平無疑光中王既感歐羅巴之扶佐又慕歐羅巴之兵法  
遂仿造兵船火器訓練國兵是以現有礮船三百艘大  
兵船一號在阿細亞洲諸國罕與匹敵是以兼取安南  
東京及干波底阿國并合三國而統一之此處始謂阮光平兼并安南之事  
南東都 緬甸暹羅兵制皆由各頭目招募充伍器械皆  
長鎗刀弩雖有火鎗皆西洋所廢棄之物購買修整不  
堪適用惟安南軍器制度得之歐羅巴故在緬甸暹羅  
兩國之上其水戰兵船長自八丈以至十丈不等而寬  
僅八尺其製造之法取整油木一株截定長短尺寸先



海國圖志 卷五  
用火燒出中槽後用刀斧剝斷而成沿河各城均備此  
以待臨時一招而至卽有五百號每船掉槳五六十人  
各帶長鎗短劍別配火鎗兵三十人船頭平直安礮一  
門自六棒至十二棒重不等遇敵將船橫排成列羣唱  
戰歌極力掉槳頃刻逼近隨卽死鬪如敵人大船欲衝  
擊小船則小船閃避又甚巧速其王與貴人尋常所乘  
之船雕飾鍍金映水燿燦士庶不敢僭也安南兵船近  
日造作愈精愈巧每船長十丈九尺其材可作西洋兵  
船之中桅緬甸暹羅兩國陸戰全恃堅銳木柵環繞重

濠雖英吉利之兵馬亦有時可以拒之第兵欠紀律設  
一破其柵卽未免潰亂奔竄安南軍制按歐羅巴兵法  
訓練而成可云紀律之師計其兵數于千有八百年間  
嘉慶六年約十有四萬今則不過五萬內有三萬在國扈衛  
國王聞安南國王庫貯金錢計有七百十四萬員而銀  
則不計其數也緬甸戶口約有五百萬暹羅戶口約百  
有二十萬安南東京戶口五百有十萬四千臘阿士戶  
口約八十有四萬蕪萊由戶口約十有九萬又中國人  
在彼入籍約四十有四萬其官制章服文字大略都遵

中國為東方諸國所不及，眉公河為安南最鉅之河道，亦發源雲南，南經巴爾門而注之海。

眉公河似指富良江，其上游即雲南

之黎花江經安南入海，由海口溯流而上，約二十餘日，巨船可揚

帆直駛三國，土產木棉、穀米、油木、花木、白糖、胡椒、籐竹

、膽、黃、檳、榔、燕窩、海參、象牙。

原本

安南國東界海，南界海，西界暹羅，北界中國廣西，以虎

地為國都，領部落二十有一。

原本部落名皆夷語，今刪之，其安南郡縣具詳前史。

重輯

原無今補

萬國地理全圖集曰：安南王據東京而取占城國之大

半，南接暹羅，達於南海，北及中國東北及廣西，西連老撾，暹國東達東京海隅，及南海北極，出自九度，至二十三度，英國中線偏東，自一百零三至一百零八度，東北隔富良江，西交潦瀨江，廣袤圓方二十九萬四千方里，東京望海平原如草場，與占城地相似，國內多山，歸化江路接西南界，宣化江路接時麻道，陀江路接金齒界，諒州路接左右兩界，其國二十二郡，六者為占城故地，其外為安南東京地，其江自雲南廣西出者皆南流，惟東京之江東流，其海之港甚多，處處可泊，國西都曰順

化城離海邊十八里沿江十二里建屋宇大半草廬罕瓦屋其東京城在河濱距海三百里居民比順化更繁爲貿易之埠與中國通商並不與他商經營東安居民原來自中國開墾立業故其氣色相去不遠至占城之士民面黑身矮與暹相似乾隆年間國王沒臣生異心或結暹羅或結安南故爲安南侵據其地豐盛而民懶惰海邊有湛巴族類風俗語音與安南異古時乘船冒危遠商他國近日漸退安居山內服屬安南安南國崇佛教拜偶像有奉天主教者王盡滅其教門而殺其師

然尚存四十餘萬信士東京出金鐵開闢每年掘銀二十餘萬占城產米多白糖檳榔肉荳蔻唐船最多占城之綠賴江瀕海捕魚爲生安南人矮身着長衫褲以布纏首衣裳黎黑色惟尊貴服綢緞眾民污穢不洗衣不浴體風俗人清爽滿面笑容揚眉暢氣安心聽命但因連月徭役小民貧苦無聊王住殿太乘榮威其侍衛三萬丁立內閣置六部中外百官甚效中國之法各省有其督撫部院等大官所讀之書與中國相同但其音懸絕至于武備國王請佛蘭西武官教列西國操演武藝

海國圖志卷三  
是以所鑄之火礮所造之烏鎗不異佛蘭西其武官深  
曉兵機所有兵船大勝中國之艦巡駛五印度南海各  
國以廣見識其公使屢到外國隨便辦事遇有外國船  
隻進港卽嚴行防範煩擾苛刻以塞外商之路中國所  
來之大小船三百隻安南往新嘉坡每年三十有餘隻  
但其水手係漢人王之兵船二三隻載雜貨亦赴其埠  
貿易

聖武記安南所都曰東京卽唐交州都護治所而以廣  
南順化二道爲西京卽古九真日南地中隔海口世爲

阮氏割據號廣南王兵強於安南初明嘉靖中安南爲  
莫登庸所篡國王黎維諶走保清華順化四府至孫黎  
維潭起兵破莫復國實其臣鄭氏阮氏之力世爲左右  
輔政後右輔政鄭氏乘阮死孤幼出阮氏於順化使王  
廣南而自專國事于是阮鄭世仇構兵至鄭棟益專柄  
將篡國而忌廣南之強乃誘其土酋阮岳阮惠攻滅廣  
南王于富春及鄭棟死阮惠又起廣南兵攻滅鄭氏于  
是阮氏復專國盡取王都珍寶歸廣南治城池于富春  
旋使其將阮任以兵數萬攻東京國王黎維祁遣使走

投訴中國時乾隆五十三年也。明年朝廷命兩廣總督孫士毅出師討阮惠，惠敗走。黎維祜復國，是冬阮惠復集廣南之眾，傾巢來襲。孫士毅軍潰走還。黎維祜復來投阮惠，亦改名阮光平，叩關謝罪乞降，言世守廣南與安南敵國，非君臣，並請五十五年入覲祝。八旬萬壽。詔封阮光平安南國王。五十七年卒，子阮光纘襲封。初阮氏世王廣南，以順化海港為門戶，與占城暹羅皆接壤。阮光平以兵篡國，國用虛耗，商船不至，乃遣烏艚船百餘，總兵官十二，以采辦軍餉為名，多招中國

海盜，使為鄉導，入寇閩粵江浙。嘉慶初，各省奏擒海賊，屢有安南兵將及總兵封爵敕印，詔移咨安南，尚不謂國王預知也。暹羅既與廣南積怨，會黎氏甥阮福映者乞師暹羅，克復西都，并縛海賊莫扶觀等獻諸中國。中國始知阮氏父子藪奸誨盜之罪。時嘉慶四年也。及七年阮福映復破東京，盡有安南，備陳搆兵始末，為先世黎氏復仇，其舊封農耐，本古越裳氏地，今兼并安南，請以越南名國。詔封越南國王，蓋新阮篡黎十餘年，復滅于舊阮，今修職貢者，非復前日阮氏云。

英吉利夷情紀略

歙縣葉鍾進寄味山房雜記

嘉慶十一年間有

大班喇弗者探知我屬國安南之東京地居海隅時有

內訌乘隙可取

時阮福映滅仇立國方新之故

遂親往孟甲刺約其兵

頭駕大舶十號直趨安南富良江海口先令其副兵頭

駕七艘入以討舊欠索馬頭為名安南聞之先飭漁艇

商船盡藏內港故入口數百里無阻直至東京下碇不

見一人及夜忽有小艇無數各載乾柴火藥四面圍至

急發大礮轟之小艇皆乘上風火發風烈七艘俱燼有

黑鬼善泅者遊水出報兵頭駭遁不敢再入

瀛環志略曰越南即安南古之交趾秦以後唐以前皆

隸版圖南界之林邑漢末即自立為國安南至五代時

乃列外藩今并占城為一國復兼真臘北境安南故地

南境占城真臘故地稱曰廣南北界廣東廣西雲南三

省西界暹羅東南面大海都城曰順化在富良江之南

岸衣冠仍唐宋之制坐則席地貴人乃施短榻取士用

策論詩賦設鄉會科士大夫皆好吟咏詩或劣不成句

而人人喜為之國分四十餘省一省所轄止數縣文武

官名略同內地總督皆阮姓王之族也貴官坐堂皇或

海國圖志卷三  
解衣捫蝨其簡陋如此宴客設銅盤置蔬肉各少許無  
醯醢以醃魚汁代之鴉片之禁甚嚴犯者立寘重典東  
南臨海有都會曰祿奈或作祿賴一作龍奈一作農耐占城之故都也  
南境臨海有都會曰東埔寨真臘之故都也閩廣商船  
每歲往來貿易別國商船入港譏防甚嚴權稅亦重諸  
國惡其煩苛故市舶罕有至者所產者番木沈楠諸香  
鉛錫桂皮象牙燕窩魚翅之類其入貢由廣西之太  
平府入關不由海道安南本中國地諸書言之綦詳故不多贅  
俗傳紅毛船最畏安南不敢涉其境其人善於泗水

遇紅毛夾板則遣數百人背竹筒攜細縷沒水釘於  
船底從遠處登小舟牽曳之俟其擱淺乃火焚而取  
其貨又或謂安南人造小舟曰軋船能攻夾板船底  
故紅毛畏之以今考之皆不甚確蓋占城之北海形  
如半月海水趨灣其勢甚急海船或入灣內無西風  
不能外出紅毛夾板入溜擱淺曾敗數舟故至今歐  
羅巴人涉海以望見廣南山為厲禁商船入安南內  
港土人皆用小船繫繩牽引乃慮其擱觸礁淺藉為  
鄉導即中國各港之引水船反用之以碎敵船理或

有之惟汲水而釘船底則事涉杳茫矣至軋船之製  
 曾有繪圖倣造者施之海面仍無異常船耳食之談  
 施之實事往往鑿柄正不獨此一事也按鄭芝龍焚  
 荷蘭船見臺  
 灣外紀時荷蘭夾板擾閩浙芝龍方受撫為裨將奉  
 令往剿荷蘭船堅炮猛乃募死士善泅者以小船堆  
 柴薪澆以油中藏火藥前置引線船首施短鐵鍊綴  
 利錐死士一人持斧坐船頭數人從旁乘風潮急掉  
 傍夷船以斧釘錐於船舷燃藥線投水鳧回藥燃火  
 發風又猛烈荷蘭夾板被焚三艘餘遁去云按芝龍  
 本海中劇盜所養皆亡命其權譎能得人死力故出  
 奇制勝理或有之他書言火攻者謂用千百木筏積  
 薪順風潮縱之或謂鎖千百小舟積薪艤港面圍之  
 皆江河火攻舊說施之夾板鑿柄甚矣海面寬闊夾  
 板相地散泊相隔一二里三四里木筏雖多豈能塞  
 海又豈能引鍼拾芥使之相著此自焚舟何與彼事

地里備考曰安南國又名交趾在亞細亞州之南北極  
 出地八度四十五分起至二十三度止經線自東八十  
 七度四十五分起至一百零七度止東南皆枕中國海  
 西連暹邏國北接中國南北相距三千七百里東西相  
 去一千五百里地面積方約三十九萬三千七百五十  
 里烟戶三京三兆口本國地勢山陵綿亘平原坦闊河  
 則甚多其至長者一賣岡河一桑該河一支來河一多  
 乃河湖則甚鮮其至大者一托湖一勞湖田土膾腴穀  
 果豐稔草木茂盛鳥獸充斥土產金銀銅鐵錫絲茶漆



靛蔗、蘇花、檳榔、沙藤、肉桂、胡椒、象牙、藥材、木料等物，地氣溫和，王位相傳，所奉之教，儒釋不一，技藝精良，貿易昌盛，通國分爲五部，一唐沖，首府曰順化，乃西都也，建于順化河岸，一唐外，即東都，首府曰給卓，一平順，首府曰占城，一嘉定，即東埔寨，又名真臘，首府曰柴棍，一包當，首府曰保，國中部，落四散住居，不屬統轄，名目紛繁，茲不及贅，其通商衝繁之地，一名柴棍，一名代佛，一名罕山，一名給卓。

外國史略曰：亞悉亞，東南洋海岸各國，北連中國之雲南、廣西、廣東、南及暹羅、海隅及南洋羣島，東及安南、東都、海隅，西連榜甲拉海隅，在亞西亞各國之至南，其長江曰迤拉瓦的江，一名大金沙江，由雲南流出，逕緬甸四千四百里，入榜甲拉海隅，水深廣可入大海，船若小三板，船可及雲南界，撤路音河，一名溺江，亦由雲南下流，直南入緬甸之馬他班海隅，其北支內多暗沙，南支則水深三十里，默南江，一名沅江，亦由雲南下流，南向入暹羅，灌田最豐盛，其江最深，而出口處反淺，默南君河，即瀾滄江，由雲南流入越南，西都有漳江，溪港有兩

條西方係緬甸國並英吉利藩屬地其東越南中間爲暹羅老掌等地南則爲蕪萊由族類

又曰越南國北極出地自八度三十分及二十三度偏東自一百零五度及一百零九度廣袤方圓六千七百里民在東都者千餘萬在廣南百有餘萬在占臘或在千賓百五十萬越南南連暹羅東及大海北與中國交界西連老掌其全國之地自南占臘地起如區粟鎮河僊南榮安江永清定祥蕃安邊和平順衙莊富安歸仁

和義廣南皆南地也其中央有廣德廣治廣平又安東京各鎮北方有清內清外興化南上南下海東京北山西高平郎北太原宣光廣安等鎮其南方占臘之地地低田肥無山林人繁盛民不習勤國君又不知教養故府庫充而百姓貧乏惟與中國交界之東都居民蕃庶勤勞能製各物又花河邊之順化田肥地茂其內山多磽低地出米烟檳榔白饒玉桂皮胡椒檀香奇南香粗茶葉等貨港口便通商面貌皆似中國本漢人之苗裔也其文學亦用中國字讀中國書法度規矩風俗皆與中國彷彿士民伶俐恆帶喜色多巧思衣尙黑不好潔

不浴身男應徭役女乏貞節代男苦勞以養其家庶民貧乏惟僑寓之漢人免徭役農力勞而收薄商賈多漢人所運出者檳榔白糖胡椒最多通商極興旺船由埔寨來者載米鹽等貨赴新埠頭貿易國王亦調兵船每年赴港并赴旁甲拉東都所運賣者係粗磁等貨所造之烏鎗大砲等火器尤妙東都出胡絲但不如中國之細衣布緞紗皆粗其上者必買自外國乾隆三十八年西都有兄弟三人一為將軍一為商賈一為和尚共驅國王世子有佛蘭西教主偕世子求援于暹羅國併往

佛國求救是時三奸已據其國虐其民其東征者不服水土斃死甚眾王駐伶仃島於是佛國與本地義勇力驅奸徒又攻擊東都舊王復位乃用佛官練兵鑄炮又建戰船如西洋之甲板且築砲臺自後武事日興乘占臘國王內亂與暹羅分據其地直入祿賴每年調兵船載餉貨赴新埠等港貿易所寓漢人亦駛各港口在占臘載貨物王自操全權不與鄉紳會議所納各稅約五百萬兩其西都曰順化府居民三萬各江邊離海二里北極出十六度四十五分偏東一百零六度三十二分

城周二里高三丈兵房周繞殿宇民居半以竹葵爲之大砲火器甚多皆佛蘭西造作初王亦許以海邊土地給佛國居住後不踐約其佛官漸歸本地於是通商悉罷且絕佛國嚴禁天主教然東都占臘廣南各地尙有思奉教者東都京北鎮之港口居民十五萬與中國貿易最興旺之港曰祿賴居民十三萬多暹羅小船及中國大船又歸仁衙莊富安三處亦通商興旺之地占臘古都今雖廢居民猶三萬有餘此安南通國情形之大略也

武林郁永河裨海紀遊曰紅毛船用板兩層斲而不削製極堅厚中國人目爲夾板船其實整木爲之非板也其帆如蛛網盤旋八面受風無往不順較之中國帆樑不遇順風則左右箴折傾險迂艱者不翅天壤然巧於逆風者反拙於乘順風若與中國舟航並馳順風中彼反後矣故遇紅毛追襲卽當轉舵順風揚帆可以脫禍若仍行箴風鮮不敗者況彼船大如山小舟方畏其壓安能仰攻紅夷恃船大帆巧橫行海外輕視諸國所至侵奪顧兩敗于交趾交趾拒敵之法創造小舟名曰軋

船長僅三丈，舷出水面一尺，兩頭尖銳，彷彿端陽競渡龍舟，以二十四人操楫，飛行水面，欲退則反其棹，變尾爲首，進退惟意，儼然游龍。船中首尾各駕紅夷巨礮，附水施放，攻其船底，底破卽沈。雖有技巧，無所施設，於是大敗。至今紅毛船過廣南，見輒船出，卽膽落而去。中國東南半壁皆大海，日與西夷互市，輒船之製亦所宜講。余文儀《臺灣志》交留巴國人本輕捷善鬪，紅毛製造鴉片，誘使之食，遂疲羸受制，其國竟爲所據。紅毛人自有食鴉片者，其法集眾紅毛人環視，繫其人於桅竿上，以

礮擊之，故紅毛各國祇有造煙之人，無一食煙之人。又聞夷船由孟邁赴廣東，必先經安南邊境，初誘安南人食之，安南覺其陰謀，下令嚴禁，犯者死無赦。一國卒不受其害。

澳門紀略曰：昔西洋夷有以天主教行於安南者，國人惑之，國王盡拘其人，立二幟于郊下，令曰：不從教者立赤幟，下宥其罪；如守教者立白幟，下受誅，竟無一人肯出教立赤幟者。王怒，舉礮殲之，至今不與西洋通市。至則發大礮擊之，西夷卒不敢往。

魏源曰越南自漢唐明屢隸版圖列郡縣事燦前史惟其與西洋交構則皆在 本朝於中國洋防最密邇雍正初紅夷兵船由順化港闖其西都而西都以水攻沈之嘉慶中復由富良海口闖其東都而東都以火攻燼之鷺鳥將擊必斂其形未聞禦大洋橫行之劇寇徒以海口礮臺為事者越南之禁鴉片與日本禁耶穌教同功與酒誥禁羣飲同律咄咄島邦尙能令止而政行

越南疆域附考

原無今補  
皇清通考四裔門安南即交趾與滇粵接界由廣西至其國道有三從憑祥州入則經文淵脫朗諒

山濶州鬼門關保祿縣凡七日至安越縣之市橋  
江由思明府入則過摩天嶺思陵祿平二州又過  
車里江安博州耗軍洞鳳眼縣凡八日至市橋江  
自龍州入則由平而隘七源州四日至文蘭平茄  
社分二道一從文蘭過右隴縣北山經鬼門關渡  
昌江經世安安勇二縣凡三日至市橋江一從平  
茄縣西經武巖州司農縣凡四日至市橋江市橋  
江在安越縣境昌江之南諸路總會處五十里至  
慈山府嘉林縣渡富良江入交州由雲南至其國  
道有二一由蒙自經蓮花灘入程瀾洞循洮江源  
右岸過水尾文盤鎮安夏華清波諸州縣凡二十  
七日至臨洮府又過山圍縣興化府白鶴縣凡十  
日渡富良江一由河陽隘循洮江源左岸過平源  
福安宣江端雄諸府州縣凡二十三日至富良江  
然皆山徑欹側難行若循洮江右岸入乃大道也  
若廣東海道自廉州五雷山發舟北風順利一二  
日可抵交之海東府沿海岸行八日始至海東有  
白藤安陽塗山多魚諸海口各有支港以達交州

此海道大略也國治在交州距京師萬有千百  
 六十五里即唐都護治所郡縣分十三道道分十  
 三承政司安邦海陽山南京北山西諒山太原明  
 光興化清華又安順化廣南是也隸安邦者府一  
 日海東舊即交州地隸海陽者府一仍日海陽舊  
 即新安地隸山南者府十有一日上洪下洪天長  
 廣東應天荆門新興長安涖仁昌平義興舊即諒  
 江建昌奉化鎮蠻建平地隸京北者府四日北河  
 慈山諒江順安舊即北江諒江地隸山西者府六  
 日歸化三帶端雄安西臨洮沱江舊即交州嘉興  
 歸化地隸諒山者府一仍日諒山舊諒山地隸太  
 原者府三日太原富平通化舊太原地隸明光者  
 府一曰宣化舊宣化地隸興化者府三日興化廣  
 威天關舊即廣威州地隸清華者府四日紹天鎮  
 甯蔡州河中舊清化地隸又安者府八日又安肇  
 平思又奇華德先演州北平清都即又安演州地  
 隸順化者府三日廣化英都昇華舊即順化昇華  
 地隸廣南者府三日廣南茶麟五麻舊即又安地

其形勢東南一帶皆海有望海城漢伏波將軍馬  
 援建國境西界南掌北界廣西東北界廣東沿邊  
 皆有重巒深澗林箐彌蔓至大小落靠嶺鬼門關  
 羅婆羅翁麓嶺尤其國中要地交州獨倚富良江  
 為天險江闊二三里其水混濁一自緬甸流入由  
 興化過嘉興府來一自雲南流入由興化府來至  
 交岡匯合諸小河漸匯漸大自西東下經過交州  
 北向東南流入海在國總屬州縣二百餘東西相  
 距一千七百六十里南北二千八百里此安南全  
 境也國王黎氏祖籍清華人為安南王都清華繼  
 因交州為歷代割據險要地兼有通海之利始遷  
 都之國無城池人煙輻輳地勢平坦一望皆田村  
 莊櫛比人多地少合境州縣不過具數而已唐調  
 露初置安南都護府始名安南至德初改鎮南大  
 命間復名安南凡國王嗣位遣陪臣來請朝  
 南國王其國中文武官制略同中國兵丁皆免丁  
 銀徭役按月給餉兵分水陸不分戰守兵以象為

海國圖志 卷五 東南洋 海岸國一 七

重每象額兵二百五十名，有正象奴一，副象奴二，其餘兵丁分執火器刀鎗，行則前後序進，戰則左右排列，凡交界隘口及衝要郡縣，皆撥象鎮守，喪祭遵文公禮，信尚風水，官民不許卜葬山上，惟許葬於田富貴者，冢上蓋茅屋，歲久即平，惟國王與輔政鄭氏葬必卜地，至於權幸勢要，或有私卜，敗則亦平矣。交州有國學文廟，各郡縣皆建學校，俱如中國，間有釋老夷獠雜居，性輕悍，役使貧弱，倖掠不忌，惟交愛二州，偶儻好謀，驩演二州，清秀好學，交州惟國都及安邦承政司所屬地，愛州屬清華承政司，驩州屬父安承政司，屋舍惟王府輔政宅及廟宇，用瓦色紫黃，餘皆茅屋，國中農桑極盛，荳蔴蔽野，兼饒魚鹽之利，金珠珊瑚瑄瑄石磬火齊丹砂諸貨，若其中外離合，國祚變遷，自秦及明，前史備載，本朝順治十六年，雲南平定安南國王黎維祺奉表貢，康熙五年，維祺繳呈故明王永曆所給敕印，詔遣使封為安南國王，乾隆五十二年，黎維祁為阮光平所滅，大兵恢復

其國旋仍為阮光平所取，光平來降，並入朝，詔封阮光平安南國王，傳子阮光顯，嘉慶七年為黎氏舊臣阮福映所滅，詔改封越南國，至今六年兩貢並進。一統志曰：廣東欽州廣西左江雲南臨安元江皆與交趾為界，欽以東海道與之對境，欽以西為南甯府，南甯之東南思明府所屬思州忠州上下石西諸州，太平府所屬龍英太平安平上下凍諸州，皆與接境，西龍州乃其所必由之路，而憑祥州則其要害也，鎮安府所屬有歸順及下雷洞亦與接境，二峒迤西則雲南界矣，臨安之阿迷州左能塞等九長官司皆其近界，元江有水路通之，而蒙自縣則其所必由之路也，其道在廣西則由太平府，歷龍州及憑祥州，抵其諒山府，至其所稱東都者，可七日程，在廣東則自欽州西南，一日至其永安州，由玉山等處至其東都，可五日程，在雲南則由臨安府經蒙自縣，河底之蓮花灘，至其東都，可四五日程，此中國與交南邊境之大略也。



粵中見聞曰安南地東西相距一千七百六十里  
 南北相距二千八百里其為府十七為州四十七  
 為縣一百五十七歲入司農一千三百六十餘萬  
 舉滇黔閩廣之賦不足以當之俗稱富庶明代棄  
 若弁髦嘉靖中黎莫變生廷議征討吾粵先哲霍  
 文敏議遣大司馬按兵境上詔諭交人以郡歸者  
 授之郡以州歸者授之州使其自為守若廣西之  
 土官然可不血刃而定湛文簡權論亦如此而竟  
 不行誠可惜也由廣東入交趾海道自欽州南大  
 海揚帆一日至西南岸即交趾潮陽鎮又自廉州  
 冠山前海發舟北風順利一二日可抵交趾海東  
 府若沿海岸而行烏雷嶺一日至白龍尾又二日  
 至玉山門又一日至萬甯州又二日至廟山又三  
 日可抵交趾海東府自欽州天涯驛經貓兒港由  
 萬甯州抵交趾國城陸路止二百九十一里又欽  
 州城下登舟兩日至漏淪自漏淪至防城陸路一  
 十五里防城有廉州府同知龍門協左營一守備  
 駐劄防城水路三日可至交趾萬甯州管下之江

坪防城水路兩日可至欽州管下如昔司巡檢所  
 轄之東興街有欽州州判與龍門協左營一千總  
 駐劄東興街至江坪陸路止五十里隔一小河耳  
 江坪各省商賈輻湊多有婚娶安居者計欽州東  
 興街至安南國城海道約六七日陸路約一十一  
 二日也由廣西入交趾分三路自憑祥州入者出  
 鎮南關一日至文淵州自思明府入邱溫者過摩  
 天嶺一日至思陵州自龍州入者一日至平而隘  
 由雲南入交趾元時始開兩路自蒙自縣入經蓮  
 花灘以抵交趾之石瀧自河陽隘入循洮江左岸  
 十日至交趾平原皆山徑難行明英國公張輔發  
 兵憑祥黔國公沐晟發兵蒙自不隨馬伏波故道  
 夾攻取勝  
 此奇兵也

--	--	--	--	--	--	--	--	--	--

海國圖志卷六

東南洋二

海岸之國

邵陽魏源輯

越南分國二

越南西都即廣南國也漢為日南九真郡晉以後曰林邑宋以後曰占城國朝曰廣南今並入越南為西都。原無今補

東西洋考安南分十二承政司其實一承政不能及中國一府或自舊縣升為府如慈山蒞仁之類或承政祇管一府如宋邦諒江之類舊名多更改割裂船人稱西京者即其故都其王居曰日南殿清化港即舊清化府也是漢九真郡治之地隋唐為愛州在交趾為西京今

海國圖志卷六  
為清華承政司順化港即舊順化府也今為順化承政司廣南港即舊乂安府也漢為日南隋唐為驩州今為廣南承政司廣南有太傅阮某者國相鄭松之舅也松既執國政阮不能平擁兵出據於此威行諸郡某卒其子始修貢東京新州港即舊新安府也今為海陽承政司提夷港亦交趾屬縣風俗大約與東京相類尚有汝南承政京北承政山西承政諒山承政太原承政明光承政興化承政乂安承政皆非瀕海之地賈船所不到故不詳之中國賈船至其海口司關者以幣報酋船主

見酋行四拜禮獻方物酋為商人設食乃給木牌於廛舍聽民貿易酋所須者輦而去徐給官價以償廣南酋號令諸夷均於東京新州提夷皆屬焉凡賈船在新州提夷者必走數日程詣廣南入貢廣南酋亦遙給木牌民過木牌必致敬乃行

皇清通考四裔門廣南國為古南交地王本中國人阮姓歷代以來未通職貢其地東接安南西鄰占城南濱海東北至緬甸西北距暹羅境有大山海水環之望如半月名曰廣南灣人善泅紅毛國人夾板船最大風帆

海國圖志 卷六  
不利，漂入廣南灣者，國人即遣小舟數百，雲集其處，人負一竹筒，納長縷，沒水而釘縷於船下，還棹小舟，遠曳以行，使其閣淺，始奪其貨而焚其舟，故紅毛人以不見廣南山為幸。他國商船入廣南者，稅物加倍。康熙八年，廣東都司劉世虎等遇風，漂泊其地，廣南國王遣臣趙文炳送歸，并帶貨物。船隻來粵，部議趙文炳等雖奉廣南印文遣來，實係中國之人，或留或遣，請旨定奪。其帶來之物，現奉海禁，不便貿易，應入戶部，得旨。廣南國王送劉世虎等回粵，殊為可嘉，著給以照驗遣

歸。廣南船貨不必入官，仍給來使。凡往來商船，由廈門至廣南者，先過安南界，歷七洲洋，向廣南外之占畢羅山，即入其境，國無城郭，周栽蒟竹，以自固云。

源按：廣南即阮光平先世所封地，本安南附庸，以地險兵強，自為一國。近則并歸安南矣。皇清

通考：係黎氏未滅已前所修，故以廣南別為一國。陳倫炯海國聞見錄：南洋諸國，以中國偏東形勢，用針取向，俱在丁未之間，合天地包大西洋，按二十四盤分之，即在巽已矣。就安南接聯中國而言，海接廉州，山繞

西北而環南，直至占城，形似半月，名曰廣南灣。秦象郡、漢交趾，唐交州，宋安南，陸接兩粵雲南，風土人物，史典備載。後以浣化新州廣義占城之地，統名廣南。因舅甥委守浣化，隨據馬龍角礮臺，北隔一水，與交趾礮臺爲界。自浣化而南至占城，爲廣南國。其王阮姓，亦稱廣南王。古日南郡地也。以交趾爲東京，廣南爲西京，而西京強於交趾。南轄祿賴、東埔、寨崑、大嗎，西南鄰暹羅。西北接緬甸，栽蒴竹爲城。人善沒，紅毛甲板船，風水不順，溜入廣南灣內者，國遣小舟數百人，背竹筒，攜細縷，沒水

密釘細縷於甲板船底，遠槳牽曳，船以淺閣，火焚而取其輜重。今紅毛甲板，以不見廣南山爲戒。見則主駕舟者曰：夥長國有常刑。廈門至廣南，由南澳見廣之魯萬山，瓊之大洲頭，過七洲洋，取廣南外之占畢羅山而至廣南。計水程七十二更，廈門至交趾，由七洲西繞北而進交趾，水程七十四更。七洲洋在瓊島萬州之東南，凡往南洋者，必經之所。西洋甲板有混天儀，量天尺，較日所出刻量時辰，離水分度，卽知爲某處。中國洋艘無此儀器，止用羅經刻漏沙，以風大小順逆較更數，每更約

海國圖志卷六  
水程六十里，風大而順，則倍累之；潮頂風逆，則減退之。雖知某處不如西洋船之確，必見某處遠山，分別上下山形，用繩駝探水深淺，驗其沙泥，一一配合，方為準確。至七州大洋大洲頭而外，浩浩蕩蕩，無山形標識，風極順利對針，亦必六七日始能渡過，而見廣南占畢羅外洋之外羅山，方有準繩。偏東則犯萬里長沙，千里石塘，偏西則恐溜入廣南灣，無西風不能外出。且商船非本赴廣南者，入其境，以為天賜，稅物加倍，均分猶若不足。比於紅毛人物兩空，尚存中國大體，所謂差毫釐失千

里也。七州洋中有種神鳥，狀似海岸而小，喙尖而紅，腳短而綠，尾帶一箭，長二尺許，名曰箭鳥。船到洋中，飛來引導，人呼是則飛而去，間在疑似，再呼細看，決疑仍飛而來，獻紙謝神，則翔翔不知其所之。相傳王三寶下西洋，呼鳥插箭命在洋中為記。

魏源曰：廣南為林邑，占城舊壤。明史尚與安南鄰國，皇清通考修於乾隆四十五年，亦以廣南安南並列。故阮光平自理之疏，亦謂世守廣南，與安南敵國，而廣南常扼安南之項背，西都常制東都之死命，則地利形勢然。

海國圖志 卷六  
哉莫氏篡黎而清華順化四府據于黎氏則卒覆于黎  
黎氏恢復而廣南順化割于阮氏則卒覆于阮氏據  
國而農耐迫廣南肘腋則卒借暹助以并東都舊志謂  
阮氏恢復廣南借佛郎機之力考海國聞見錄作于雍  
正初前乎阮氏數十載已言廣南水戰為紅毛船所畏  
何為反借助于紅毛且此志中語及廣南戰艦戒心動  
色情見乎詞固不得不虛稱歐羅巴援救之功以揜英  
吉利創敗之辱彼謂西洋水犀戈船無敵海內外者抑  
知五行迭相克陰陽迭相勝天下有不可制之物耶廣

南瀕海之順化港口即古賓童龍國為占城東盡境自  
明王圻謬指為舍衛國明史因之悲夫悲夫籌防邊問  
兔園語廟謨恃郢書用陳湯不如石與匡

越南分國沿革上

廣南之地晉唐五代  
曰林邑○原無今補

晉書林邑國本漢時之象林縣其南則馬援鑄柱之處  
也去南海三千里後漢末曹區殺令自立為王其後王  
無嗣外甥范熊代立其俗皆開地戶以向日至於居止  
東西無定果於戰鬪便山習水不嫻平地四時暄煖無  
霜雪人皆裸跣以黑色為美貴女賤男同姓為婚婦先  
聘婿其王服天冠被纓絡每聽政子弟侍臣皆不得近  
武帝太康中始來貢獻咸康二年范逸死奴文篡位  
文曰南西卷縣夷帥范椎奴也嘗牧牛澗中獲二鯉魚  
化成鐵用以為刀斫石嶂石即瓦解文知其神乃懷之  
隨商賈往來見上國制度至林邑遂教逸作宮室城邑

及器械逸甚愛信之使為將文乃譖逸諸子或徙或奔  
及逸死無嗣文遂自立為王乃攻大岐界小岐界式僕  
徐狼屈都乾魯扶單等諸國并之有眾四五萬遣使入  
貢其書皆胡字永和三年攻陷日南害太守夏侯覽  
殺五六千人餘奔九真以覽尸祭天鑿平西卷縣城遂  
據日南告交州刺史朱蕃求以日南北鄙橫山為界初  
徽外諸國嘗齎寶物自海路來貿貨賄而交州刺史日  
南太守多貪利侵侮十折二三至韓戢估較大半由是  
諸國恚憤及覽至郡又航荒於酒政教愈亂故被破滅  
既而文還林邑是歲朱蕃使督護劉雄戍於日南文復  
攻陷之四年文又襲九真害士庶十八九五年征西督  
護滕駿率交廣之兵伐文於盧容為文所敗退次九真  
其年文死子佛嗣升平中廣州刺史  
史滕含伐之佛懼請降與盟而還  
梁書林邑國者本漢日南郡象林縣古越裳之界也伏  
波將軍馬援開漢南境置此縣其地縱廣可六百里城  
去海百二十里去日南界四百餘里北接九真郡其南  
界水步道二百餘里有西國夷亦稱王馬援植兩銅柱

表漢界處也其國有金山石皆赤色又出瑇瑁貝齒吉  
貝沈木香晉世范文為王穆帝永和三年夏侯覽為日  
南太守侵刻尤甚林邑先無田土貪日南地肥沃常欲  
略有之至是因民之怨遂舉兵襲日南殺覽以其屍祭  
天留日南三年乃還林邑交州刺史朱蕃遣督護劉雄  
戍日南文復屠滅之進寇九德郡殘害吏民遣使告蕃  
願以日南西北境橫山為界蕃不許交歸林邑尋復屯日  
南五年征西將軍桓溫遣督護滕駿九真太守灌遂帥  
交廣州兵討之其王范佛嬰城固守遂令駿盛兵於前  
遂帥勁卒七百人自後踰壘而入佛眾驚潰奔走遂追  
至林邑佛乃請降安帝隆安三年佛孫順達復寇日南  
九德皆執其太守交趾太守杜瑗遣兵擊破之即以瑗  
為刺史義熙三年順達復寇日南九年寇九真瑗皆遣  
兵破走之自瑗卒後林邑無歲不寇日南九真諸郡殺  
傷甚多交州遂致虛弱順達死子敵真立其弟敵鏗攜  
母出奔敵真追恨不能容其母弟捨國而之天竺禪位  
于其甥其甥又為國相藏麟子攻殺而立文敵文敵又  
為扶南王子當根純所殺大臣范諸農平其亂而自立



為王  
宋書高祖永初二年林邑王范楊邁遣使貢獻即加除  
受文帝永嘉七年遣使自陳與交州不睦求蒙恕宥八  
年又遣樓船百餘寇九德入四會浦口交州刺史阮彌  
之遣隊主相道生將三千人赴討攻區粟城不克引還  
林邑欲伐交州借兵於扶南王扶南不從十年楊邁遣  
使上表獻方物求領交州詔答以道遠不許太祖元嘉  
初侵暴日南九德諸郡二十三年使龍驤將軍交州刺  
史檀和之伐之遣太尉府振武將軍宗慤受和之節度  
和之遣使司馬蕭景憲為前鋒慤仍領憲軍副楊邁聞  
見討遣使上表願還所略日南民戶奉獻國珍二月軍  
至朱梧戍楊邁外言歸欵猜防愈嚴景憲等乃進軍向  
區粟城楊邁遣水步軍徑至景憲破其外救盡銳攻城  
五月剋之斬其帥首獲金銀雜物不可勝計乘勝追討  
即林邑楊邁父子挺身奔逃所獲珍異皆未名之寶又  
銷其金人得黃金數十萬斤又宗慤傳元嘉二十二  
年伐林邑慤自奮請行除振武將軍為安西參軍蕭景  
憲軍副隨交州刺史檀和之圍區粟城林邑遣將范毘

沙達來救和之遣偏軍拒之為賊所敗又遣慤慤乃分  
軍為數道偃旗潛進討破之拔區粟入象浦林邑王范  
楊邁傾國來拒以具裝被象前後無際士卒不能當慤  
曰吾聞獅子威服百獸乃製其形與象相禦象果驚奔  
眾因潰散遂克林邑收其異寶雜物不可勝計  
南齊書南夷林邑國在交州南海行三千里北連九德  
秦時故林邑縣也漢末稱王晉太康五年始貢獻晉建  
興中曰南夷帥范雅奴文數商賈見上國制度教林邑  
王范逸起城池樓殿王服天冠如佛冠身被香纓絡國  
人凶悍習山川善鬪吹海蠡為角人皆裸露四時暄暖  
無霜雪貴女賤男人色以黑為美南方諸國皆然區粟  
城建入尺表日影度南八寸自林邑西南三千餘里至  
扶南  
水經注溫水篇交州外城記曰從日南郡南去到林邑  
國四百餘里林邑記曰其城治二水之間三方際山南  
北瞰水東西澗浦流湊城下城西折十角周圍六里城  
開十三門凡宮殿南向屋宇二千一百餘間市居周繞  
阻峭地險故林邑兵器戰具悉在區粟多城壘自林邑

海國圖志 卷六 東南洋 海岸國二

王范胡達始秦餘徙民染同夷化日南舊風變易俱盡  
巢棲樹宿負郭接山榛棘蒲薄騰林拂雲幽煙冥緬非  
生人所安區粟城建八尺表日影度南八寸自此影以  
南在日之南故以此名郡望北辰星落在天際日在北故  
開北戶以向日此其大較也日南重耳至今郡有雲中金  
大曾明帝問曰南郡北向視日邪重耳曰今郡有雲中金  
城者不必皆有其實日亦俱出于東耳至于風氣暄暖  
日影仰當官民居止隨情面向東南西北迴背無定人  
性凶悍果于戰鬪使山習水不嫻平地古人云五嶺者  
天地以隔內外況綿途于海表顧九嶺而彌邈非復行  
路之遙阻信幽荒之冥域者矣建元二年林邑王范文  
攻日南九真九德百姓奔逃千里無煙乃還林邑林邑  
西去廣州二千五百里城西南角高山長嶺連接天鄣  
嶺北接澗大源淮水出那那遠界三重長洲隱山遠西  
衛山迴東其嶺南開源小源淮水出松根界上山壑流  
隱山繞南曲街迴東合淮流以注典冲其城西南際山  
東北瞰水重塹流浦周繞城下東南塹外因傍薄城東  
西橫長南北縱狹北邊兩端迴折曲入城周圍八里飛

觀鷓尾迎風拂雲綠山瞰水驚翥鬼嶼但制造壯拙稽  
古夷俗城開四門東為前門當兩淮渚濱於曲路有古  
碑夷書銘讚前王胡達之德西門當兩重塹北迴上山  
西即淮流也南門度兩重塹對溫公壘升平二年交州  
刺史溫放之殺交阯太守杜寶別駕阮朗遂征林邑水  
陸累戰佛保城自守重求請服聽之今林邑東城南五  
里有溫公二壘是也北門濱淮路斷不通城內小城周  
圍三百二十步合堂瓦殿南壁不開兩頭長屋脊出南  
北南擬背日西區城內石山順淮面陽開東向殿飛檐  
鷓尾青陳丹堦榭題桷椽多諸古法閣殿上柱高城丈  
餘五牛屎為堊牆壁青光迴曲掖綺牖紫窗椒房嬪  
媵無別宮觀路寢永巷共在殿上臨踞東軒選與下語  
子弟臣侍皆不得上屋有五餘區連薨接棟檐宇如  
承神祠鬼塔小大入廟層臺重榭狀似佛刹郭無市里  
邑寡人居海岸蕭條非生民所處而首渠以永安養國  
十世豈久存哉  
隋書林邑之先因漢末交趾女子徵側之亂內縣功曹  
子區連殺縣令自號為王無子其甥范熊代立死子逸

立日南人范文因亂為逸僕隸遂教之築宮室造器械  
逸甚信任使文將兵極得眾心文因間其子弟或奔或  
徙及逸死國無嗣文自立為王其後范佛為晉揚威將  
軍戴桓所破宋交州刺史檀和之將兵擊之深入其境  
至梁陳亦通使往來其國延袤數千里土多香木金寶  
物產大抵與交阻同以甄為城蜃灰塗之東向戶王戴  
金花冠形如章甫衣朝霞布珠璣瓔珞足躡革屨時復  
錦袍良家子侍衛者二百許人皆執金裝刀有弓箭矛  
槊以竹為弩傅毒於矢樂有琴笛琵琶五絃頗與中國  
同每擊鼓以警眾吹蠶以即戎其人深目高鼻髮拳色  
黑俗皆徒跣以幅布纏身冬月衣袍婦人椎髻施柳葉  
席人死以函盛屍輿至水次積薪焚之收其餘骨王則  
內金罌中沈之於海口庶人以瓦送之於江男女皆截  
髮隨喪至水次盡哀而止每七日然香散花復哭盡哀  
盡七七而罷至百日三年亦如之入皆奉佛文字同於  
天竺高祖既平陳乃遣使獻方物其後朝貢遂絕時天  
下無事羣臣言林邑多奇寶者仁壽末上遣大將軍劉  
方為驩州道行軍總管將步騎萬餘及犯罪者數千人

擊之其王梵志率其徒乘巨象而戰方軍不利方於是  
多掘小坑草覆其上因以兵挑之梵志悉眾而陣方與  
戰偽北梵志逐之至坑所其眾多陷轉相驚駭軍遂亂  
方縱兵擊破之頻戰輒敗遂棄城而走方入其都獲其  
廟主十八枚皆鑄金為之蓋其有國十八葉矣方班師  
新唐書南蠻傳王本林邑也一日占不勞亦曰占婆直  
交州南海行三千里地東西三百里而巖南北千里西  
距真臘霧溫山南抵奔浪陀州其南大浦有五銅柱山  
形若倚蓋西重巖東涯海漢馬援所植也其地冬溫多  
霧雨產琥珀西重巖獸結遼鳥以二月為歲首稻歲再熟  
取檳榔潘為酒椰葉為席俗凶悍果戰鬪以麝塗身日  
再塗再澡拜謁則合爪頓頰有文字喜浮屠道治金銀  
像大或十圍王所居曰占城別居曰齊國曰蓬皮勢王  
衣白氍古貝斜絡臂飾金琲為纓髮戴金華冠如章  
甫妻服朝霞古貝短裙冠纓如王王衛兵五千戰乘象  
藤為鏡竹為弓矢率象千馬四百分前後不設刑有罪  
者使象踐之或送不勞山俾自死隋仁壽中遣將軍劉

海國圖志卷之六 東南洋 海岸國二

芳伐之其王范梵志挺走以其地為三郡置守令道阻不得通梵志衰遣眾別建國邑武德中再遣使獻方物高祖為設九部樂饗之貞觀時王頭黎獻馴象鏐鎖五色帶朝霞布火樹與婆利羅利二國使者偕來林邑其言不恭羣臣請問罪赦不問又獻五色鸚鵡鸚鵡斷訴寒有詔還之元和初不朝獻安南都護張舟執其僞驢愛州都統斬三萬級虜王子五十九獲戰象舡鎧

越南分國沿革下

廣南之地宋以後曰占城○原無今補

宋史占城國在中國之西南東至海西至雲南南至真臘國北至驩州界汎海南去三佛齊五日程陸行至賓陀羅國一月程其國隸占城馬東至麻逸國二日程蒲端國七日程北至廣州便風半月程東至兩浙一月程西北至交州兩日程陸行半月程其地東西七百里南北三千里南日施備州西日上源州北日烏里州所統大小州三十八不盈三萬家其國無城郭有百餘村每村落戶三五百或至七百亦有縣鎮之名民獲犀象

皆輸於王其風俗衣服與大食國相類互市無緡錢止用金銀較量錙銖或吉貝錦定博易之直樂器有胡琴笛鼓大鼓樂部亦列舞人其王腦後髮髻散垂披吉貝衣戴金花冠七寶裝纓絡為飾脛股皆露躡革履無襪婦人服及拜揖與男子同王每日午坐官屬謁見膜拜或出遊看象採獵觀魚皆數日方還近則乘軟布兜遠則乘象一人持檳榔盤前導從者十餘輩各執弓箭刀鎗手牌等曰或一再出其王或以兄為副王或以弟為次王設高官凡八員東西南北各二分治其事無俸祿令其所管土俗資給之勝兵萬餘人定十一月十五日為冬至十二月十五日城外縛木為塔王及人民以衣物香藥置塔上焚以祭天人有疾病旋采生藥服食地不產茶止飲椰子酒兼食檳榔有重罪令象踏之犯奸者男女共入牛以贖罪負國王物者以繩拘於荒塘物充而後出之其國前代字與中國通周顯德中遣其臣貢方物有雲龍形通犀帶菩薩石又有薔薇水灑衣經歲香不歇猛火油得水愈熾皆貯以琉璃瓶建隆二年來貢表章書於貝多葉以香木函盛之太平興國六年

交州黎桓上言欲以占城俘九十三人獻於京師太宗遣還占城詔諭其王淳化元年新王楊陁排自稱新坐佛逝國遣使貢馴犀方物表訴為交州所攻國中人民財寶皆為所略上賜黎桓詔令各守境嘉祐七年正月廣西安撫經略司言占城素不習兵與交趾鄰常苦侵軼而占城復近修武備以抗交趾將繇廣東路入貢京師望撫以恩信七年交州李乾德言其王領兵三千人并妻子來降以正月至本道九年復遣使來言其國自海道抵真臘一月程西北抵交州四十日皆山路所治聚落一百五十大略如州縣王著大食錦或川法錦大衫七條金纓絡戴七寶裝成金冠躡紅皮履出則從者五百人十婦人執金捍合貯檳榔導以樂王師討交趾以其素仇詔使乘機協力除蕩其國選兵七千扼賊要路其王以木菓書回牒詔使上之然亦不能成功後兩國同入貢占城使者乞避交人詔遇朔日朝文德殿分東西立大宴則東西坐七年闍人詔遇朔日朝文德殿分真臘戰皆乘大象勝負不能決闍人教其王習騎射以勝之戰大捷明年復來瓊州拒之憤怒大掠而歸淳熙

四年占城以舟師襲真臘傳其國都慶元以來真臘大舉伐占城以復仇殺戮殆盡俘其主其地悉歸真臘元史占城近瓊州順風舟行一日可抵其國世祖至元間廣南西道宣慰使馬成旺嘗請兵三千人馬三百匹征之十五年右丞唆都封占城郡王十九年十月朝廷以有內附意詔降虎符封占城郡王十九年十月朝廷以占城國主歲遣使來朝稱臣內屬遂命左丞唆都等即其地立行省以撫安之既而其子負固弗服朝廷使人往暹國往八馬兒國舟經占城皆被執故遣兵征之十一月兵至占城港口北連海海旁有小港五通其國大州東南止山西旁木城官軍依海岸屯駐占城兵治本城四面約二十餘里起樓棚立回回三稍礮百餘座又木城西十里建行宮其酋親率重兵屯守應援行省遣官招之七往終不服二十年正月十五日夜半發船攻城至期分遣兵千六百人由水路攻木城三百人攻東南沙嘴又以三千人分三道攻南面舟行至天明泊岸為風濤所碎者十七八賊開木城南門建旂鼓出萬餘人乘象者數十亦分三隊迎敵矢石交下自卯至午

賊敗北官軍人木城復與東北二軍合擊之殺溺死者數千人城中餘眾悉潰國主棄行宮燒倉廩殺前所留使逃入山十七日整兵攻大州十九日國主使來求降二十一日入大州二十二日遣其舅寶脫禿花及其子三十餘人奉物雜布二百匹大銀三錠小銀五十七錠碎銀一甕為質來歸款又獻金葉九節標槍詭言國主類中箭今小愈未能見省官疑其二子非真聽其還諭國主早降且以問疾為辭遣千戶總把借往覘之二子在途先歸子全等入山兩程國主遣人來拒不果見是日又殺前所留使百餘人二月八日寶脫禿花又至詭言其兄為今王所殺心實怨之願禽今王父子以獻請給大元服色十三日居占城唐人曾延等來言國主逃於大州西北鴉侯山聚兵三千餘并招集他郡兵未至不日將與官軍交戰懼唐人泄其事將盡殺之延等覺而逃來十五日寶脫禿花偕宰相大師等五人來降謂唐人延等為姦細國主軍皆潰散安敢復戰又言今未附州郡凡十二處每州遣一人招之舊州水路乞行省各遣一人乘舟招諭陸路則乞行省官與已往禽

國主行首猶信其言調兵一千屯半山塔遣子全德堅等領軍百人與寶脫禿花同赴大州進討約有急則報半山軍比至城西寶脫禿花背約間行自北門乘象遁入山官軍獲謀者知國主實在鴉侯山立砦聚兵約二萬餘遣使交趾真臘閩婆等國借兵及徵賓多龍舊州浚濠塹拒以大木官軍斬刈超距奮擊破其二千餘眾轉戰至木城下山林阻隘不能進賊旁出截歸路軍皆殊死戰始得解還營二十一年三月六日唆都領軍回十五日江淮省所遣助唆都軍萬戶忽都虎等至占城則官軍已回適占城主遣王通事者來四月十二日國主令其孫奉表歸款是年命平章政事阿里海牙奉鎮南王脫歡發兵假道交趾伐占城不果行明史占城居南海中自瓊州航海順風一晝夜可至自福州西南行十晝夜可至即周越裳地秦為林邑漢為象林縣後漢末區連據其地始稱林邑王自晉至隋仍之唐時或稱占不勞或稱占婆其王所居曰占城至德後改國號曰環送周宋遂以占城為號朝貢不替元世

祖惡其阻命大舉兵擊破之亦不能定洪武二年遣使  
奉表來朝貢帝遣官齎璽書大統歷文綺紗羅往賜自  
後或比歲貢或間歲或一歲再貢洪武三年遣使往祀  
其山川尋頒科舉詔于其國初安南與占城構兵天子  
為遣使諭解而安南復相侵四年其王奉金葉表來朝  
長尺餘廣五寸刻本國字乞賜兵器及樂器樂人俾安  
南知我占城乃聲教所被之地庶不敢欺陵帝命禮部  
諭之曰占城安南並事朝廷同奉正朔今兩國互構而  
賜占城兵器是助爾相攻甚非撫安之義樂器樂人語  
音殊異難以遣發爾國有曉華言者其選擇以來當令  
肄習因命福建省臣勿徵其稅洪武二十一年真臘貢  
象占城奪其四之一其他失德事甚多帝聞之怒命行  
人董紹救責之尋遣使謝罪國王失道大臣閣勝弒王  
自立明年遣太師奉表來貢帝惡其逆御之永樂元年  
以即位詔諭其國洪武六年貢使言海寇自稱元剽劫  
海上國王擊破之賊魁溺死獲其舟二十艘蘇木七萬  
斤謹奉獻帝嘉破之命給賜加等其冬遣使獻安南之捷  
帝謂省臣曰去年安南言占城犯境今年占城謂安南

擾邊未審曲直可遣人往諭各罷兵息民洪武十年正  
月與安南王陳煊大戰煊敗死占城乘勝入其國王遣  
使奏朝貢人回賜物悉遭安南掠奪又畀臣冠服印章  
魯為臣屬帝怒救責安南而賜占城王鈔幣永樂四年  
帝方大發兵往討乃敕占城嚴兵境上遏其越軌永樂  
五年四月攻取安南所侵地獲賊黨獻俘闕下自後鄭  
和復連使其國永樂十三年王師方征陳季擴命占城  
助兵尚書陳洽言其王陰懷二心愆期不進反以金帛  
戰象資季擴季擴以黎蒼女遺之復約季擴黨侵升華  
府地厥罪維均帝遣使謝罪正統元年瓊州知府程瑩言  
俾還侵地王即遣使謝罪多乞如暹羅諸國例三年一貢  
占滅比年一貢勞費實多乞如暹羅諸國例三年一貢  
帝是之然番人利中國市易雖有此例迄不遵天順八  
年其使者復訴安南見侵需索白象乞如永樂時遣官  
建立界碑以杜侵陵兵部以兩國方爭不便遣使乞令  
使臣歸諭國王固封疆捍外侮毋輕構禍從之成化七  
年二月安南兵破其國執其王劫印符大肆焚掠遂據  
其地王弟逃之山中遣使告難兵部言安南吞并與國

東南洋 海岸國二

古

若不為處分非惟失占城歸附之心抑恐啟安南跋扈之志宜遣官賚敕宣諭還其國王及眷屬帝慮安南逆命合俟貢使至日賜敕責之成化八年遣使持節往封其弟至新州港守者拒之知其國已為安南所據改為交南州乃不敢入十年冬還成化十年安南復遣兵執王弟立前王孫為王以國南邊地予之成化十四年王孫遣使朝貢請封命給事中馮義行人張瑾往封之義等多攜私物既至廣東聞王孫已死其弟古來遣使乞封義等慮空還失利亟至占城則安南已以偽敕立其國人提婆台為王義等不俟奏報輒以印幣授提婆台封之得所賂黃金百餘兩又往滿刺加國盡貨其私物以歸馮義至海洋病死張瑾具其事并上偽敕于朝朝廷不知也明年古來奏請册印言臣國所有土地本二十七處四府一州二十二縣東至海南至占臘西至黎人山北至阿本喇補凡三千五百餘里交人前畏天威還臣兄故地僅自邦都至占臘五處耳更乞特諭交人盡還本國禮官乃劾張瑾擅封詔下獄論死乃諭古來詣廣東受封并敕安南悔禍古來乃自老撾挈家赴崖


州受封命南京右都御史屠濬往至廣東傳檄安南宣示禍福而募健卒二千人駕海舟二十艘護古來還國安南以瀟大臣奉特遣不敢與抗古來乃得入其國自殘破之後民物蕭條貢使漸稀宏治十八年古來卒其子請封廷議令其使臣賚敕往自是遂為故事而其國貢使亦不常至其國無霜雪四時皆似夏草木常青民以漁為業無二麥力穡者少故收穫薄檳榔終日不離口不解朔望但以月生為初月晦為盡不置閏分晝夜為十更非日中不起非夜分不卧見月則飲酒歌舞為樂無紙筆用羊皮搥薄熏削細竹蘸白灰為字狀若蚯蚓有城郭甲兵人狠而狡貿易多不平戶皆北向民居悉覆茅檐高不得過三尺部領分差等門高卑亦有時人采人膽入酒中與家人同飲且以浴身曰通身是膽其國人采以獻王又以洗象目每伺人于道出不意急殺之取膽以去置眾膽於器華人膽輒居上故尤貴之五六月間商人出必戒備王在位三十年則避位入深山以兄弟子姪代而已持齋受戒告於天曰我為君

東南洋 海岸國二



無道願虎狼食我或病死居一年無恙則復位如初國  
不甚富惟犀象最多烏木降香樵以為薪伽南香獨產  
其地一山酋長遣人守之民不得采犯者至斷手有鱈  
魚潭獄疑不決者令兩造騎牛過其旁曲者魚輒躍而  
食之直者即數往返不食也有一尸頭蠻者一名屍致魚  
本婦人惟無瞳神為異夜中與人同寢忽飛頭食人破  
物來即復活若人知而封其頸或移之他所其婦即死  
國設厲禁有而不告者罪及一家  
海錄凡南洋海艘俱由老萬山出口西南行過七洲洋  
有七洲浮海面故名又行經陵水順東北風約四五日  
便過越南之順化界順化即越南王建都之所也又南  
行約二三日到新州又南行約三四日過龍奈又謂之  
陸柰為安南舊都由龍柰順北風日餘至本底國本底  
國在越南西南又名勘明疑即占城也國小而介于越  
南暹羅二國之間其人顏色較越南稍黑語音亦微異  
土產鉛錫象牙孔雀翡翠箭翎班魚脯又順東北風西  
行約五六日至暹羅港口○源案越南之西都在順化  
港即占城舊地也此別指本底為占城非是本底為東

埔寨即古真臘國海錄出于賈客舟師之口故見聞雖  
真而考古多謬特附錄而辯之至占城東南瀕海尚有  
賓童龍國即宋史所謂賓陀羅者與占城相連今并入  
廣南境內疑即龍柰之地明王圻續通考謬指為佛經  
之舍衛城辯見美洛居島國後



海國圖志卷七

歐羅巴人原撰

東南洋三之海岸之國

侯官林則徐譯

邵陽魏源重輯

暹羅一

安南暹羅緬甸三國幅員相接北與中國西藏雲南廣西交界少西與印度交界餘皆以海為界除麻六甲以外東西距約三千里南北距共有九十萬方里山皆發脈于印度之希馬臘壓山此山最高次則以阿山為最

海國圖志 卷七  
餘多崎嶇難通似每一谷可爲一國無不廣大衍沃暹羅建都于曼谷兩面皆山一寬長之大谷也山雖層疊均不甚高無過五百丈者土沃產豐爲海舶市埠之最附近各國皆不及前被緬甸吞并國人不服且地勢阻隔故緬甸得之旋失之復爲暹羅所有陸戰木柵甚堅步步爲營全同緬甸國王臨朝端坐威儀甚尊百官偏袒跣足屈腰蹲身盡禮致敬稱謂以金爲尊如稱上則曰金首金目金鼻金口金足之類緬甸暹羅安南三國大都身短色黑面扁體高絕少姣好似頑實黠似惰實

勇髮多而黑卻少髯鬚有卽拔去望若婦人與阿細亞洲各國不同然性善泛愛一見甚殷勤稍拂輒反目不若印度之柔和其居家治生亦如中國印度惟不及兩國人材技藝耳暹羅人游惰度日不尙技藝尤藐視外國人有商舶至其地輒待同蠻夷壹似無能爲役者惟尊中國而不知有他國也三國皆尊奉印度佛教凡事苟且節儉惟修建寺宇則窮極華靡塑像有雕白石者有鎔赤銅者或高丈或高二丈餘尺金彩耀目其工匠不亞於歐羅巴并有鑄像廠其價值多寡視像身之大

小出家爲僧終身不娶惟暹羅人或爲僧或返俗任意往還且云人生不可不出家不可久出家不出家則不知規矩久出家則虛度光陰蓋其出家猶中國子弟之出外就傅及冠有室則不復從師所習梵典梵字及術數之類皆從僧師受之實非終身披剃之比也暹羅文學亦同緬甸大抵闡揚佛教其讚頌四百似有音律須六禮拜之久始能誦畢奉佛戒禁肉食然印度僧不盡守戒或不食家牲而食野禽謂不在律禁其在家人並以蟲蛇爲美味安南緬甸亦然蓋近中國閩廣之風矣

暹羅城沿河而建遠觀若築柵于筏上浮水而繫諸岸服色頗同東方男女皆耳環手鐲地多金鑽凡酒盃檳榔盒器皿皆赤金以綢緞爲質金繡爲文觀其服可知其職之差等女服寬長而腋下疊褶略同緬甸男逸女勞粗重工作悉委于女貿易亦皆女爲之然謹守禮法雖在市中足不踵戶未嫁之貧女有與外國人寓所傭工支持家務襄理貿易雖儼如家室不可干以非禮此俗安南尤盛治喪亦各不同緬甸貴人棺柩停斂需時庶人香膏塗屍而火化之暹羅以屍飼飛禽皆遵佛教

茶毘之制若安南國中遇喪則慶賀燕宴十二日奢華  
 甲諸國彼則失之過慘此則失之太奢與其慘又甯奢  
 也三國皆重技藝而廟宇中雕刻彩繪尤各殫其妙官  
 民俱嗜觀劇或在人家或於稠眾動輒扮演價值甚廉  
 非若歐羅巴人必有一定之戲臺昂貴之戲價也音樂  
 節奏和暢動人女音嬌柔尤似中國惟意大里之音樂  
 三國皆不能學暹羅國東界安南北界中國南界海西  
 界緬甸以曼谷為國都領部落二十有一戶口約百有  
 三十萬名緬甸北隅之彌南河發源雲南歷暹羅之曼

谷國都出海

案彌南河當即雲南之瀾滄江至暹羅土名黃河水極膏沃

曼谷 國都

義唔

依彌羅

巴于含

金都扁

曼士格

持釐巴戈臘

木底阿羅

麥爾古

松波

巴爾底阿

達阿依

特那色領

松波巴

青地

波顛

西晏

戈倫比

樟底目

葉希里

加磨阿

以上原本

源案二十一部落名目與官書四裔考不符姑

存備考

重輯

原無今補

皇清通考四裔門暹羅東廣南南東埔寨古暹及羅斛  
兩國地也地方千里環國皆山國分郡邑縣隸於府  
隸大庫司大庫司者猶華言布政司也庫司九曰暹羅

可刺細馬足曹本皮細絲束骨胎果平疋倒腦細討不  
六昆府十四曰綵納無老比采東板魯辣皮疋皮里采  
野多鏡千無里細辭滑采欲款細灣沾奔魁山縣七十  
二西北土磽确暹地也東南土平衍羅斛地也王城分  
八門城濠磚砌周遭十餘里城中有小河通舟城外西  
南居民輳集王居在城西隅別建宮城約周三里有奇  
殿用金裝綵繪覆以銅瓦室用錫瓦塔砌用錫裹磚欄  
杆用銅裹木王出乘金裝彩轎或乘象車其傘蓋以葵  
葦葉爲之王每旦登殿官僚於臺下設氈以次盤膝坐

合掌於頂，獻花數朵，有事則具文書，朗誦上呈，候王可  
否，乃退。國王自明洪武中，始用中國賜印，其國官制九  
等：一曰握亞往，二曰握步喇，三曰握蟒，四曰握坤，五曰  
握悶，六曰握文，七曰握板，八曰握郎，九曰握救。選舉由  
鄉舉於大庫司，以文達於王所，王定期試之，咨以民事，  
應對得宜，始賜章服授官。考課亦以三年為期，其文字  
皆旁行，不通漢字。明正德中，選留貢使一二人入館肄  
業，後乃稍習漢文，其服色惟王留髮冠，金嵌寶石，形似  
兜鍪，上衣下裳，緞布五采，小袖朱履。臣民皆剪髮，男女

椎結，白布纏頭。官一等至四等，金嵌寶石帽，五等至九  
等，五彩絨緞帽，衣俱兩截，襪履用牛皮，婦人粧髻簪戒  
指，鐲釧脂粉，略同中國，亦上衣下裳，五彩織金花幔，曳  
地，皮烏紅黑，炎熱卑溼，人皆樓居，上聯檳榔片，籐覆之，  
間用陶瓦，無床桌几，橈皆藉氈席，籐而坐，官民有銀，不  
得私用，皆送王所，委官傾瀉成珠，用鐵印印文，其上每  
百兩入稅六錢，無印文者，以私銀論罪。初犯斷左指，再  
犯斷右指，三犯者死。錢穀出入之事，取決婦人，婦多智，  
夫聽命焉。國人有名無姓，為官者稱握某民，上者稱奈

海國圖志 卷一  
某下者稱隘某風俗勁悍習水戰其貢有龍涎香速香  
金銀香象牙胡椒藤黃豆蔻蘇木烏木大楓子薔薇露  
西洋閃金花緞之屬又金石則有金剛鑽寶石花錫羽  
毛鱗介則有孔雀五色鸚鵡犀象金絲猴六足龜花木  
蔬果則有黃竹荖竹猫竹石榴子水瓜土瓜又產羅斛  
香味清遠似沈香蓋以其地得名也明洪武中入朝賜  
印文始稱暹羅國順治九年十二月暹羅遣使請貢并  
換給印敕勘合從之自是職貢不絕康熙三年先是外  
洋貢船人廣東界守臣查驗屬實進泊河干封貯所攜

貢物俟禮部文到始貿易物輒毀壞二十三年六月國  
王遣使來貢因疏請嗣後貢船到廣具報後卽次河干  
俾貨物早得貿易并請本國採買器用乞諭地方官  
給照置辦貢使進京先遣貢船回國次年差船迎 敕  
歸國許之二十四年增賞暹羅緞幣表裏五十四十七  
年 詔貢使所攜貨物免其徵稅六十一年 詔  
曰暹羅國貢使言其地米甚饒裕銀二三錢可買稻米  
一石朕諭令分運米三十萬石至閩廣浙江於地方甚  
有裨益不必收稅雍正二年貢稻種果樹其船梢目九



十六人本係漢人求免回藉許之七年 御書天南

樂國匾額賜之並減免速香安息香袈裟布疋等貢乾

隆元年六月咨禮部言往時 欽賜蟒龍大袍藏承

恩亭上 歷世久遠難保無虞懇再邀 恩賞賜

一二每年造福送寺需用銅斤求暫開禁採買部議不

可 詔特賞蟒緞四疋加賞銅八百斤後不為例八

年九月奉 旨暹羅國商人運米至閩源源而來嗣

後外洋貨船帶米萬石以上者免船貨稅銀十之五五

千石以上者免稅十之三即載米不足五千之數亦免

其船貨稅銀十分之二次年福撫陳大受奏言閩商前

赴暹羅販米其國木料甚賤應聽造船運回給照查驗

報可十四年 御書炎服屏藩匾額賜之十六年閩

督奏准商人赴暹羅運米至二千石以上者查明議敘

賞給頂帶十八年二月入貢并懇 賜人縵纓牛良

馬象牙并通徹規儀內監部議不可 詔賜人縵四

十六年正月暹羅國長鄭昭遣使入貢奏稱自遭緬匪

侵凌雖復土報仇紹裔無人茲羣吏推昭為長遵例貢

獻方物五十一年其子鄭華嗣立復入貢 詔封華

暹羅國王其國都在廣東省西南海道約四十五晝夜可至始自廣東香山縣登舟乘北風用午針出七洲洋十晝夜抵安南海次有一山名外羅八晝夜抵占城海次十二晝夜抵大崑崙島又用東北風轉舟向未及申三分五晝夜可抵大真樹港五晝夜可抵暹羅港入港二百里即淡水洋又五日抵暹羅城其國西南有大山綿亘由暹羅沿山海而南爲宋牯勝埒仔六崑大呢皆暹羅屬國

海國聞見錄自東埔寨大山繞至西南爲暹羅由暹羅

沿山海而南爲斜仔六坤大哖丁葛奴彭亨山聯中國生向正南至此而止又沿海繞山之背過西與彭亨隔山而背坐爲柔佛出柔佛而西爲麻刺甲即丁葛奴之後山也由麻刺甲而西出於雲南天竺諸國之西南爲小西洋戈什達暹羅沿山海而至柔佛諸國各皆有王均屬暹羅國所轄古分暹羅二國後合爲暹羅國俗崇佛王衣文彩佛像肉貼飛金用金爲器皿陸乘象亭象輦舟駕龍鳳見尊貴以裸體跣足俯腰蹲踞爲禮不衣禪而圍水幔尊敬中國用漢人爲官屬理國政掌財賦

城郭軒豁沿溪樓閣羣居水多鱷魚從海口至國城溪長二千四百里名黃河水深闊容洋船隨流而入通黃河支流夾岸大樹茂林猿猴采雀上下呼鳴番村錯落田疇饒廣農時闔家棹舟耕種事畢而回無俟鋤芸穀熟仍棹舟收穫而歸粟藁長二丈許以為入貢土物因播秧畢而黃河水至苗隨水以長長至六七尺則苗亦長至六七尺水退而稻熟矣幹河入中國勢猛而急支河入西域歸東埔寨暹羅以出海勢散而緩田疇藉以肥饒

案此竟以暹羅之河與中國之黃河同源謬甚故惟東西洋考謂黃水每夏秋自海中來者得之

產米之國石可三星俗語捕鹿枝頭牽牛上樓蓋鹿為水漂沒閣息於樹梢溪屋為水注浸引牛於樓上人有被虎瞰鱷吞者告於番僧僧咒拘而虎自至咒攄綿紗於水而鱷自縛剖而視之形骸猶存有受蠱者向僧求咒則解是以俗重佛教富者卒後葬以窆即釋氏塔也又有一種共人共者咒法名也刀刃不能傷王養以為兵衛若犯刑令番僧以咒勸化之使其自退咒法方與受刑國造巨艦載萬餘石求桅木於深山大樹先以咒語告求允許方敢下斧不則樹出鮮血動手者立亡用

海國圖志 卷一  
牛挽輦沿途番戲以悅之。咒語以勸之。少有不順則拔木而自回舊地。挽至厰所。其靈方息。產銀鉛錫洋布。沈速象牙犀角烏木蘇木冰片降香翠毛牛角鹿筋籐蓆佳文蓆藤黃大楓子豆蔻燕窩海參海菜以銀豆爲幣。大者重四錢。中者一錢。次者五分。小者二分五釐。其名曰潑。皆王鑄字號。法不得剪碎零用。找以海螺巴。廈門至暹羅水程過七洲洋。見外羅山。向南見玳瑁洲鴨洲。見崑崙。偏西見大真嶼。小真嶼。轉西北取筆架山。向北至暹羅港。竹嶼一百八十八更。入港又四十更。共水程

二百二十八更。而東聯東埔寨。僅水程一百十三更。何以相去甚遠。蓋東埔寨南面之海。一片盡屬爛泥。故名爛泥尾。下接大橫山小橫山。是以外繞而途遠也。

地球圖說暹羅國東界安南國。南界麻六甲國并海。西界阿瓦國。北界中國。其百姓約三百萬。都城名萬國。城內民九萬。宗釋教。現有花旗國英吉利國人。在此傳授耶穌聖教。居茅廬。以藤席竹簟爲寢處。不衣褲而圍小幔。裸體跣足。頭薙而留頂髮。常食檳榔。齒黑口臭。亦有建屋水上。極其高峻。國君好白象。戰則以白象爲先鋒。

海國圖志卷十一  
現有中國廣東福建人能駕暹船與之貿易或至此務農其土人形狀與安南相似地勢低陷天雨多則遍地水溢民風男尊女賤一男多娶數女不合則休之無妨內有至大之江名湄南又麻六甲國之南有一地名新嘉坡與中國人通商之處產鹿角象牙白豆蔻胡椒各樣香料米鹽錫藤木料牛虎等皮所進入之貨大抵購自中國

地里備考曰暹羅國在亞細亞州之南北極出地八度起至二十一度三十分止經線自東九十七度起至一

百零一度止東至安南國西連馬拉加海峽南接馬拉加國北界中國雲南長約三千三百餘里寬約一千里地面積方約二十萬零一千一百餘里烟戶三兆六億口本國地勢西方則重岡疊嶺絡繹延袤此外則邱阜寥寥平原坦闊每遭水患河之長者一名美能一名薩巒一名賣岡湖則甚小爲數無幾田土膏腴河濱沃潤土產金銅鐵錫鉛鹽窩宅燕窩象牙豆蔻沈香胡椒烟葉甘蔗木料等物地氣溼熱風俗樸素王位世襲所奉之教乃釋教也其餘別教人或奉之槩不禁止貿易興

海國圖志卷一  
隆商賈雲集，粵稽國史康熙二十七年，至乾隆四十六年，與緬甸國日尋干戈，時事屠戮，廢立舉行，名器更易，越三十二載，有哥羅馬甲者即位，戰勝緬軍，國事乃定，首郡名邦哥，乃本國都也，建于美能河口，宮殿廟堂，則用磚瓦，閭閻房屋，俱用木板，其通商衝繁之地，一名西約的亞，一名盧窩，一名耶日約內，其兼攝之地，一名真臘，即東埔寨也，一名老撾，即越裳也，一里哥爾，一賓德倫，一巴達尼，一加蘭丹，一的靈加諾，一給達，一仍塞倫島，或隸版圖，或派官居守，或受其貢焉。

每月統紀傳曰：暹羅在南海，沿古赤土及婆羅剎地也，其後分爲暹與羅斛二國，暹瘠土不宜耕稼，羅斛土平衍而種多獲，暹賴給焉。元明以來，皆稱國曰暹羅。乾隆年間，緬甸王征勦暹羅，值凶年飢歲，爲緬所服，其後有漢人在暹國者，亦乘緬甸荒年，起兵報復，破緬凱旋，自立爲暹羅王。嘉慶初年間，暹國內之將軍謀反，令漢王讓位，現在此朝治國，頻數與緬甸打仗，服老撾，占城，馬萊，西南方幾國，方欲與安南相戰，蓋暹羅官員殺安南公使，道光年間，英國駐印度之總帥與緬甸王相戰，暹

海國圖志卷一  
羅與英國盟約以兵相助議息攻戰之後兩國友交本年亞默利加統邦之治主亦遣公使結貿易約暹羅之田不勝肥美其中谷之江每年漲黃水自五月一派從海口來四月插苗隨水漲而發水漸高苗亦漸長遂至六尺漲以九月始退退即稻熟可收田得水而肥其米純白盛供所用有餘載出口產物甚多有白糖蘇木翠羽乳香降香象牙犀角木頭能造巨艦之桅有燕窩海參海菜錫等貨其地向南甚平坦向北有山嶺土番與漢人相似而顏更黑惟好閒遊卻令外國人代

工作民居樓及竹藤之屋富者卒後葬以塔人皆裸體跣足俯腰蹲踞見尊貴不衣褲而圍水幔惟僧言是聽凡男子皆爲僧幾年然後爲平民建廟塔無數致敬佛像暹羅有王三位其民皆視之如佛敬服如神仙王宮高廣以黃金爲飾雕鏤八卦備極美麗有門三重每門圖畫飛仙菩薩之狀懸以金花王之器皿都是黃金惟膝行可朝見

華人駐此娶番女唐人之數多于土番惟潮州人爲官屬封爵理國政掌財賦城郭軒豁沿溪樓閣羣居水每

海國圖志卷一  
年有上海甯波泉州廈門潮州廣東船進其都城稱萬國兼占地門貿易英吉利及亞黑利加各國之船皆進萬國黃河江貿易其女人亦爲商賈只恨居民懈惰多荒地若非漢人代爲耕種經營甚難度日也

外國史略曰暹羅國廣袤萬三千三百三十方里居民五百萬北極出地自五度至十九度南及同名之海隅北連老掌東及越南西連英藩屬地至緬甸北有山南方有低谷墨南河之所南流也地豐裕海島星羅棋布由中國進暹港過七洲見外羅山向南則玳瑁洲鴨洲

崑倫偏西則大真嶼小真嶼西北爲筆架山向北至暹羅港竹嶼草木茂盛多磽地無居民古分羅國暹國後合爲一國崇佛教惑風水王衣彩肉貼飛金用金皿陸乘象亭象輦駕龍鳳舟設官屬曰招夸以裸體跣足俯腰蹲踞爲禮見尊貴不衣褲用小幔圍之尊敬中國用漢人爲官屬理國事掌財賦城郭軒朗沿溪皆樓閣多鱷魚從海口至國城水深闊洋船隨之夾岸皆茂林深竹猿猴彩雀上下呼鳴暹村錯落田疇沃饒粟藁長二丈許播秧後有黃河至苗隨水長無澇傷之患水退而



海國圖志 卷一  
稻熟矣故其耕種之農皆棹舟出作無俟鋤芸穀熟仍  
掉舟收穫而歸黃水至此其勢散而緩田疇肥饒人死  
則焚尸而後葬或發願死後以尸飼魚鳥將造巨艦載  
萬餘石求桅於深山中遇大樹先以咒語告求如樹神  
允許方下斧產銀鉛錫象牙犀角烏木蘇木冰片降香  
翠毛牛角鹿筋豆蔻燕窩海參海菜等貨暹羅土產之  
豐與旁葛拉相等但暹羅米穀價更賤高地亦能種麥  
其木最堅美宜于造船且料多而價賤較中國造船費  
惟值半價又多紅木或運出新埠或載廣州上海天津

寧波等港又多種白糖胡椒每年六萬餘石亦運賣與  
中國其白糖十萬餘石漢舶買豆蔻降香樹膏藤黃各  
項顏色白糖紅木烏木檀香象牙錫虎骨虎皮牛皮犀  
角並雜貨唐人之船亦載米糖賣與南海各島最多在  
新埠各海港所進中國之船每年約九十隻小船甚多  
俱由海南島昔有花旗船載舊鐵炮以易白糖每年約  
一二隻今則少矣印度國每年亦有數船到是港載布  
匹易白糖等貨統論漢船每年所載之貨約四萬噸外  
國之甲板約二萬噸向暹人無水手後有世子仿外國

甲板船亦造數隻，赴各國貿易，遂為通商之始。山產金沙錫鐵，所出之果尤美於他國，尊貴卑賤皆築廟建塔，然無路無橋，無一肯捐建者，此其大惑也。男女居俱罕穿衣服，女露胸嬾，各剃頭，首頂留髻，男女恆浴身以遊，食甚菲薄，不殺牲破卵，惟請外國人則用之。好建寺廟，不惜費，自居則草寮，惟漢人所寓始有瓦石，庶民每月必以三分之一供徭役，不樂務本業，蓋稍得蠅頭，官吏則強奪之故耳。五爵甚多，下品覲其上品，必匍匐不得立起，民詐而驕傲，有礙難，即失膽，不敢行動，信輪迴之


說，每年有潮州福建人赴暹羅居住，多取其士女，現所居者二萬餘，棄漢俗，衣食一如暹羅。國王亦擇其聰明者，官之使理征賦貿易之事，暹軍亦隨時伐鄰國，虜居民遷至本地，其中緬甸文萊巫來由老掌人等甚多，自外來者各操本俗，征餉甚重，居民共計三百萬，惜政令太苛。○暹羅本古地，元時始知其名，入貢中國，與緬甸文萊占臘干賓等國為鄰，時時肇衅交戰，或勝或敗，葡葡亞人於萬曆間初至此國開埠貿易，後英人與佛蘭西皆至此通商，方漢人未到是國以前，貿易祇數萬名。

海國圖志 卷一  
英國公班衙於其地開行，有奸人賄王用事，遂招佛蘭西人。至於康熙二十五年，佛國兵士守港口，於是國人殺王，驅佛蘭西軍，更立新主，通商如故。乾隆三十八年，緬甸軍陷其都城，且火之，虜其民爲奴，全地荒蕪。漢人憤之，倡義起兵驅敵，卽今國王之祖也。自後國復興，旺漢氓日增，貿易益廣。道光四年，緬甸與英人交戰之際，暹羅結盟於英，合陣前往，盡復前所失地。於是與英人及花旗等國大通貿易，但運出者價昂，運進者價低。今王已老，其世子聰明，親造火輪船，他國藝術無不講求。

習英語讀英書，能自樹立，在各國中爲無雙矣。道光八年，侵老掌地，虜其人爲奴，又前與安南屢戰屢和，爲爭據占臘國，暹人與越南各分占其半，兩國搶奪，至今未息。國有五爵，官憲俸祿無多，不足以養其廉也。國所收餉銀百五十萬兩，其所居之族類各有頭目，領之律例與中國相仿，其經冊皆係咒語，其語音亦純用梵語，其字樣與華音亦有所似，其書冊大半虛誕，不錄緊要事。唐人繙譯三國演義與暹羅人閱看，所有花旗傳耶蘇之教者，亦藉此音以敘述之，其書本頗多，或闡教理，或

海國圖志 卷一  
訓藝術通國分五分，一曰暹，在默南河兩岸，地豐盛，其都曰萬國城，居民二十萬口，板屋列市，浮於河，寺殿甚煌，餘皆渺小，民貧乏，富者惟漢商及五爵，由此更進，則爲古都，曰由他雅，城已荒廢，居民鮮少，海邊又有斬地，文萬巴賽等邑，亦通商，多產胡椒，二曰老掌，所讓地在北方，皆山林，出紅烏木、象牙等貨，族類多蠻，暹人所虜爲奴者也，其民樸實，事暹人如子事父，惟產業甚微，不能納貢物，三曰占臘，卽甘賓地也，新歸暹之版輿，其土豐產而少人戶焉，四曰文萊，國之數分，與英之藩屬及

緬甸交界兩國山中，地美而未有墾之者，亦無新民遷之者，五曰巫來由，種類之地，其地之一分曰貴他部，與英國之檳榔嶼相對，是出白糖、米穀，餘皆土酋歲貢于暹。



海國圖志卷八

東南洋

暹羅國

劉健庭聞錄暹羅古刺景邁三國皆與緬世仇明永歷桂王入緬時其遺臣散入各國有馬九功者為古刺招明潰兵三千有江國泰者暹羅妻以女各遣使約李定國于孟良將犄角夾攻緬而吳三桂兵已攻永曆于阿瓦于是李定國發憤死二國之師失望而返

俞燮癸巳類藁緬東為葫蘆廣南南為暹羅物產略同

自與中國構難以來，緬加戍東北而力戰，東南經費曠竭，百姓愁怨。四十七年，其酋孟魯殺贅角牙而自立。國人又殺孟魯，立孟雲。而值暹羅之難，暹羅國踣長，居緬西南。緬於乾隆三十六年滅之。鄭昭者，中國人也。乾隆四十三年，暹羅遺民憤緬無道，推昭為王，乘緬匪抗拒，中國人傷財盡之後，盡復舊封。又興師占緬地，贅角牙屢為所困。暹羅於四十六年入貢，陳其事。朝廷不使亦不止也。四十七年，鄭昭死，子華嗣。華亦有武略。孟雲不能支，乃東徙居蠻得。五十一年，鄭華受朝封。孟雲懼

五十三年，由本邦齎金葉表入貢，送楊重英等出。

高宗哀憐之，諭暹羅罷兵。五十五年，使賀。八旬萬

壽受。封爵。定十年一貢。嘉慶十年秋，暹羅貢表，又

言方出師攻緬，得勝，頒。敕諭解之。冬，緬甸叩關求

入貢，蓋乞救也。疆吏以非貢期，拒不納。而緬已削弱矣。

聖武記：阮光平既篡黎氏，據安南，懼王師再討，又方與

暹羅構兵，恐暹羅乘其後，敝關謝罪乞降。又言聞暹羅

貢使將入京，恐媒孽其短，乞。天朝勿聽其言。及阮

光平受封後旋死，其子阮光纘嗣立。而黎氏甥農耐王

阮福映者，奔暹羅，暹羅妻以女弟，助之兵，克復農耐。農耐，海錄作農奈，海國聞見錄作祿賴，其國在廣南之南，勢在東埔寨之東北，即真臘東境，與廣南隔一海港。日強，號舊阮，屢與新阮戰，奪其富春、舊都，并縛獻海賊莫扶觀等于朝。皆中國海賊，受安南東海王偽封，及總兵偽職，又獻其攻克富春時所獲阮光纘封冊金印。時嘉慶四年也。七年十二月，阮福映全滅安南，遣使入貢，乞以越南各國。詔封越南國王。

瀛環志略曰：暹羅流寓粵人爲多，約居土人六之一。有由海道往者，有由欽州王光十萬山穿越南境往者，其

地土曠人稀，田肥沃，易耕穫，故趨者眾。然其國多蠱祟，信符咒，風俗政治，遠遜安南。

按歐羅巴諸國，自前明航海東來，處處占立埔頭，安南暹羅緬甸地皆濱海，豈不動其盼羨？安南雖有廣南灣之險，而商船時時販鬻，暹羅則內港深通，乃歐羅巴皆未嘗措意，即緬甸亦僅於海濱曠土草創一廛，是何以故？且安南雖貧，物產亦夥，暹羅緬甸夙稱豐饒，西人概從唾棄，何也？蓋西人以商賈爲本，沿海埔頭專爲牟利，若處處留兵護守，則得不償失，南洋諸島四面環海，不

相聯絡其人則巫來由番族性愚懦不知兵地形可以周覽而盡震以火炮鳥驚獸駭竄伏不敢動故西人坦然據之而不疑至安南三國毘連華夏山川修阻丁戶殷繁進戰退守與各島孤懸海中者迥別又立國皆數千百年爭地爭城詐力相尚意計所至西人不能測也留重兵則費不貲無兵則恐諸國乘其不備市舶往而埔頭不建其謂是與

魏源曰明萬曆中平秀吉破朝鮮時暹羅自請出兵潛擣日本以牽其後兵部尚書石星從之而兩廣督臣蕭

彥尼之滇撫陳用賓約暹羅夾攻緬甸緬疲于奔命遂不復內犯永歷困于緬甸暹羅復與古刺起兵攻緬以援李定國之師其忠于勝朝若是乾隆中緬甸不臣得暹羅夾攻屢捷而緬甸始貢阮光平父子篡黎氏寇沿海及暹羅助黎滅阮俘獻海盜而南洋息警其忠于國朝又若是其國每夏有黃水自海中來以漸而漲水尺苗尺水丈苗丈水退苗熟其水將至則傾國鼓樂儀仗以迎之及秋水退亦餞之如初有播植無耘耔有天工無人力故穀豐而賤甲乎南海自康熙來歲運洋



海國圖志 卷八  
米數十萬石以濟閩粵之民食近以免稅不利粵海關  
故關吏陰撓之始則售米不許置貨繼則置貨不許免  
稅于是觀望不至若不陰撓之而且推廣於天津歲歲  
采買積久并可減東南之漕廣天庾之積其裨益中國  
又若是宜乎 聖祖有天南樂國之褒 高宗有炎  
服屏翰之額視朝鮮琉球僅著恭順無裨邊疆者何如  
視西洋各夷歲叨中國茶黃磁絲之益反報以鴉片之  
毒者更何如暹羅東境斗入大海廣袤數千里而滿刺  
加爲海艘之都會近日並爲英夷割據又移滿刺加市

埠于柔佛故地改名新嘉坡其入寇之兵食皆恃新嘉

坡接濟暹羅軍柵堅壁同于緬甸

見四洲志戰艦狹長同于

安南

南齊書扶南傳

專尊中國藐英夷英夷究不能患

四洲志誠

使用明季夾攻日本之議令暹羅出兵恢復滿刺加柔  
佛故地而安南以札船助之則英夷有內顧巢穴之憂  
與驅策廓夷鄂夷攻印度之策並行不悖昔陳湯用西  
域之師破康居王元策用吐番之師以禱印度皆洞地  
利悉敵情又皆決機徼外不由中制用能建不世非常  
之烈不然則築室盈廷亦終尼于蕭彥王疑之流而已

暹羅與南掌皆介緬甸越南之間接壤雲南之普洱元江其曼谷國都則雲南瀾滄江入海之口即古之扶南國其東北尚有海口曰東埔寨即古之真臘潮水膏沃同之亦南洋都會今皆不屬英吉利

暹羅本國沿革一

唐以前為扶南國。原無今補。

晉書扶南西去林邑三千餘里在海大灣中其境廣袤三千里有城邑宮室人皆醜黑拳髮裸身跣行性質直不為寇盜以耕種為務一歲種二歲獲又好雕文刻鏤食器皆以銀為之貢賦以金銀珠香亦有書記府庫文字有類於胡喪葬婚媾略同林邑其始一柳葉王之為外國人混潰所據傳數世其將范尋復世王扶南泰始初遣使貢獻升平初復有竺旃檀稱王遣使貢馴象南齊書扶南傳扶南晉宋世通職貢宋末扶南王僑陳

如遣商貨至廣州有天竺道人那伽仙附載欲歸國遭風至林邑掠其財物皆盡那伽仙問道得達扶南永明二年扶南國王遣那伽仙表言林邑王本其舊奴竄逸聚眾遂破林邑自立為王常構凶釁請中朝出師伐逆臣國願助剪撲并獻金縷龍王坐像一軀白檀像一軀牙塔二軀古貝二雙琉璃蘇釵二口瑇瑁檳榔梓一枚那伽仙詣京師言其國俗事摩醯首羅天神神常降于摩訶山土氣恆煖草木不落上報以絳紫地黃碧綠紋綾各五匹扶南人黠慧知巧攻掠傍邑不賓之民為奴婢貨易金銀絲帛大家男子截錦為橫幅女為賓頭貧者以布自蔽鍛金環鑲銀食器伐木起屋國王居重閣以木棚為城海邊生大箬葉長八九尺編其葉以覆屋人民亦為閣居為船八九丈廣裁六七尺頭尾似魚國王行乘象婦人亦能乘象鬪雞及豨為樂無牢獄有訟者則以金指環若雞子投沸湯中令探之又燒鎖令赤著手上捧行七步有罪者手皆焦爛無罪者不傷又令沒水直者入即不沈不直者即沈也甘蔗諸蔗安石榴及橘多檳榔鳥獸如中國人性善不便戰常為林邑

所侵擊不得與交州通故其使罕至  
 梁書扶南國在日南郡之南海西大灣中去日南可七  
 千里在林邑西南三千餘里城去海五百里有大江廣  
 十里西北流東入於海其國輪廣三千餘里土地洿下  
 而平博氣候風俗大較與林邑同出金銀銅錫沈水香  
 象牙孔翠五色鸚鵡其南界三千餘里有頓遜國頓遜  
 之外大海洲中有毗騫國去扶南八千里傳言其國  
 頭長三尺子孫及國人皆如常惟王不死其王能作  
 天竺書云千言與扶南生相秦漢間說其國極遠  
 死仙人之說云千言與扶南生相秦漢間說其國極遠  
 此里可又傳扶南東界即大漲海中有大洲洲上有  
 諸薄國國東有馬五洲復東行漲海千餘里至自然大  
 洲出火浣布前有微外人納女王柳葉為妻生子分王  
 七邑其後王混盤況攻并之亦遣子孫中分治諸邑號  
 曰小王盤況年九十餘乃死國人共舉大將范葛為王  
 葛勇健有權略復以兵威攻伐旁國咸服屬之自號扶  
 南大王乃治作大船窮漲海攻屈都昆九惟典孫等十  
 餘國開地五六千里葛遇疾死大將范尋代立更繕治  
 國內起觀閣遊戲之朝旦中晡三四見客民人以蕉蔗

龜鳥為禮國法無宰獄于城溝中養鰐魚門外圈猛獸  
 有罪者輒以喂猛獸及鰐魚獸不食為無罪三日乃  
 放之其後王憍陳如本天竺婆羅門也有神語曰應王  
 扶南憍陳如心悅南至盤盤扶南人間之舉國欣戴迎  
 而立焉復改制度用天竺法憍陳如死後王持梨陀跋  
 摩宋文帝時奉表獻方物天竺法憍陳如死後王持梨陀跋  
 瑚佛像并獻方物大同五年又言其國有佛髮長一丈  
 二尺詔遣沙門釋雲寶隨使往迎之其國人醜黑拳髮  
 所居不穿井數十家共一池引汲之俗事天神天神以  
 銅為像二面者四手四面者八手手各有所持或小孩  
 或鳥獸或日月其王出入乘象嬪侍亦然王坐則偏跏  
 翹膝垂左膝至地以白氍毹敷前設金盆香鑪于其上國  
 俗居喪則剃除鬚髮死者有四葬水葬則投之江流火  
 葬則焚為灰燼土葬則瘞埋之鳥葬則棄之中野人性  
 貪恠無禮義男女恣其奔隨  
 隋書赤土國扶南之別種也在南海中水行百餘日而  
 達所都土色多赤因以為號東波羅刺國西波羅婆國  
 南訶羅旦國北拒大海地方數千里其王姓瞿曇氏不

知有國近遠稱其父釋王位出家為道傳位于子嗣位  
十六年矣有三妻並鄰國王之女也居僧祇城有門三  
重相去各百許步每門圖畫飛禽僊人菩薩之像懸金  
花鈴珞婦女數十人或奏樂或捧金花又飾四婦人容  
飾如佛塔邊金剛力士之狀夾門而立門外者持兵仗  
門內者執白拂夾道垂素網綴花王宮諸屋悉是重閣  
北戶北面而坐其俗敬佛尤重婆羅門冬夏常溫雨多  
霽少種楠無時特宜稻稌白豆黑麻其餘物產多同於  
交趾以甘蔗椰漿為酒煬帝即位募能通絕域者大業  
三年屯田主事常駿虞部主事王君政等請行齋物五  
千段以賜赤土王其年十月駿等自南海郡乘舟晝夜  
二旬每旬便風至焦石山而過東南泊陵迦鉢拔多洲  
西與林邑相對上有神祠馬又南行至師子石自見鳥  
嶼連接又行二三日西望見狼牙須國之山於是南達  
雞籠島至于赤土之界其王遣婆羅門鳩摩羅以船三  
十艘來迎吹蠶擊鼓進金鑲以纜駿船月餘至其都王  
遣其子以禮見先遣人送金盤貯香花金台貯香油金  
瓶貯香水白疊布四條以供使者盥洗其日未時又將

象二頭持孔雀蓋以迎使人并致金花金盤以藉詔函  
至王宮駿等奉詔書上閣王以下皆跪宣詔訖引駿等  
坐奏天竺樂事畢還館又遣婆羅門就館送食以草葉  
為盤其大方丈後數日請入宴儀衛導從如初見之禮  
禮遺甚厚尋遣子貢方物並獻金芙蓉冠龍腦香以鑄  
金為多羅葉隱起成文以為表金函封之令婆羅門以  
香花奏蠶鼓而送之既入海見綠魚羣飛水上浮海十  
餘日至林邑東南並山而行其海水闊千餘步色黃氣  
腥舟行一日不絕云是大魚糞也循海北岸達于交趾  
新唐書扶南在日本之南七千里地卑窪與環王同俗  
有城郭宮室王姓古龍居重觀柵城楛葉以覆屋王出  
乘象其人黑身髮髮俱行俗不為寇盜田一歲種三歲  
穫國出金剛狀類紫石英生水底石上沒水取之可以  
刻玉扣以殺角乃泔人喜鬪雞以金珠香為稅治特牧  
城俄為真臘所并益南徙那弗那城武德貞觀時再入  
朝又獻白頭人二白頭者直扶南西人皆素首膚理如  
脂居山穴四面峭絕人莫得至與參半國接  
水經注竺芝扶南記日扶南去林邑四千水步道通檀

和之令軍入邑浦據船官口城六里者也自船官下注  
大浦之東湖犬水連行湖上西流湖水日夜長七八尺  
從此以西朔望並潮一上七日水長丈六尺七日之後  
日夜分爲再潮水長一二丈春秋冬釐然一定高下  
定度水無盈縮是曰海運亦曰象水也又兼象浦之名  
晉功臣表所謂金遼清遼象渚澄源者也其川浦渚有  
水蟲彌微攢木食船數十日船壞源潭湛瀨有鮮魚色  
黑身五丈頭如馬首伺人入水便來爲害  
元史暹羅國當成宗元貞元年進金字表暹人與麻里予  
兒舊相讐殺至是皆歸順  
明史暹羅在占城西南順風十晝夜可至即隋唐赤土  
國後分爲羅斛暹二國暹土瘠不宜稼羅斛地平行種  
多稷暹仰給焉元時暹常入貢其後羅斛強併有暹地  
遂稱暹羅斛國洪武三年命使臣呂宗俊等齎詔諭其  
國四年其王遣使貢馴象六足龜及方物詔賜大統曆  
及綵幣洪武五年貢黑熊白猴及方物明年復來貢其  
王之姊別遣使進金葉表貢方物於中宮凡再御之時  
其王懦而不武國人推其伯父主國事遣使來告貢方

物且獻本國地圖洪武七年來貢言去年舟次烏猪洋  
遭風壞舟飄至海南賴官司救護尚存飄餘兜羅錦降  
香蘇木諸物進獻廣東省臣以聞帝怪其無表既言覆  
舟而方物乃有存者疑其爲番商命卻之諭中書及禮  
部臣曰古諸侯於天子比年一小聘三年一大聘九州  
之外則每世一朝所貢方物表誠敬而已唯高麗頗知  
禮義故令三年一貢他遠國如占城安南西洋瑣里瓜  
哇淳泥三佛齊暹羅斛眞臘諸國入貢既頻勞費太甚  
今不必復爾其移牒諸國俾知之然而來者不止其世  
子亦遣使上箋於皇太子貢方物命引其使朝東宮宴  
賚遣之洪武八年其舊明臺王世子亦遣使奉表朝貢  
宴賚如王使洪武十年世子承其父命來朝上喜賜以  
暹羅國王之印自是其國遵朝命始稱暹羅而比年一  
貢或一年兩貢至正統後乃或數年一貢云洪武二十  
年溫州民有市其沈香諸物者所司坐以通番當棄市  
帝曰溫州乃暹羅必經之地因其往來而市之非通番  
也乃獲宥洪武二十八年世子遣使朝貢且告其父之  
喪命中官趙達等往祭救世子嗣王位諭之曰朕自即

位以來命使出疆周于四維足履其境者三十六聲通  
于耳者三十二風殊俗異大國十有八小國百四十九  
較之于今暹羅最近邇者使至知爾先主已逝王紹先  
王之緒有道于邦家臣民歡懽茲特遣人錫命王其罔  
失法度罔淫于樂以光前烈欽哉永樂二年九月有番  
船飄至福建海岸詰之乃暹羅與琉球通好者所司籍  
其貨以聞帝曰二國修好乃甚美事不幸遭風豈可因  
以爲利所司其治舟給粟俟風便遣赴琉球是月其王  
貢方物乞賜烈女傳請頒量衡爲國永式從之先是占  
城貢使返風飄其舟至彭亨暹羅羈留不遣蘇門答刺  
及滿刺加又訖暹羅奪所賜印誥帝降敕責之六年中  
宮鄭和使其國其王貢方物謝罪永樂七年正月奸民  
何八觀等逃入暹羅帝命使者還告其主毋納逋逃其  
王卽奉命送還賜救幣獎之永樂十七年責暹羅侵滿  
刺加王遣使謝罪宣德八年其國貢舟次占城新州港  
盡爲其國人所掠正統元年貢使來京訖狀救占城王  
令盡還所掠人物已而占城移咨禮部言本國前歲遣  
使往須文達那亦爲暹羅賊人掠去必暹羅先還所掠

本國自不敢不還成化十七年貢使還至中途竊買子  
女且多載私鹽命遣官戒諭先是汀州人謝文彬以販  
鹽下海飄入其國住至坤岳猶天朝學士也後充使來  
朝因貿易禁物事覺下吏宏治十年以四夷館無暹羅  
譯字官詔廣東訪取能通彼國言語文字者赴京備用  
正德四年暹羅船有飄至廣東者市船中官熊宣與守  
臣議稅其物供軍需事聞詔斥宣妄攬事柄撤還南京  
十年進金葉表朝貢館中無識其字者詔選留其使一  
二人入館肄習嘉靖元年暹羅占城貨船至廣東市船  
中官牛榮縱家人私市論死如律三十二年遣使貢白  
象及方物白象死于途其使者以珠寶飾其牙盛以金  
盤并獻白象尾毛爲信帝嘉其意厚遣之隆慶中其鄰  
國東蠻牛求婚不得齾犄其意厚遣之隆慶中其鄰  
其國王自經虜其世子以歸次子嗣位勵志復仇萬曆  
間東蠻牛兵復至王整兵奮擊大破之暹羅由是雄海  
上移兵攻破真臘降其王從此歲歲用兵遂霸諸國萬  
曆三十年日本破朝鮮暹羅請潛師直擣日本牽其後  
中樞石星議從之兩廣督臣蕭彥持不可乃已迄崇禎

十六年三月猶入貢其國周千里風俗勁悍習于水戰大將用聖鐵裹身刀矢不能入聖鐵者人腦骨也王瑣里人官分十等自王至庶民有事皆決于其婦其婦人志量實出男子上婦私華人則夫置酒同飲恬不為怪日我婦美為華人所悅也崇信釋教男女多為僧尼亦居庵寺持齋受戒衣服頗類中國富貴者尤敬佛百金之產即施其半氣候或寒或熱地卑溼人皆樓居男女椎髻以白布裹首富貴者死用水銀灌其口而葬之貧者則移置海濱聽羣鳥飛啄謂之鳥葬交易用海貝是年不用賦則國必大疫其貢物有象象牙犀角孔雀毛翠羽龜及六足龜寶石珊瑚片腦米腦糠腦腦油腦柴薔薇水碗石丁皮阿魏紫梗藤竭藤黃硫黃沒藥烏爹香安息香羅斛香速香檀香黃熟香降真香乳香樹香木香丁香烏香胡椒蘇木肉豆蔻白豆蔻華茛烏木大楓子及撒哈刺西洋諸布其國有三寶廟祀中官鄭和瀛涯勝覽暹羅地方千里環國皆山峭拔崎嶇地下淫氣候不常或嵐或熱自占城西南舟行七晝夜方至新門海口入港方達其國王居宮室壯麗民樓居其樓密

聯檳榔片藤繫之甚固藉以藤蓆竹簟寢處於中王乃瑣里人也白布纏首無衣腰束嵌絲繫加以綿綺壓腰跨象行或肩輿金柄傘蓋莖葉為之尚釋教國人皆然僧尼甚多其服類中國言語與廣東同俗澆浮習水戰常征伐鄰邦市用海貝一如錢價厥產紅馬肯的石次于紅雅忽明瑩如石榴子國西北二百餘里有市鎮曰上水通安南各種番貨俱有明黃表海語曰暹羅國在南海中自東莞之南亭門放洋南至烏豬獨嶺七洲星盤坤未針至外羅坤申針四十五程至占城舊港經大佛靈山其上峰墩則交趾屬也又未針至崑崙山又坤未針至玳瑁洲玳瑁及於龜山西鍼入暹羅港水中長洲隱隆如堤船出入如中國車垣然其國之一控扼也少進為一關少以夷酋又少進為二關即國都也其地沮洳無城郭王居據大嶼稍如中國殿宇之制覆以錫板闢東壁為巨扉是為王門為龜山為陸昆猛齋猶華言總兵甲兵屬焉有奶街為華人流寓者之居土夷乃散處水柵板閣蔭以菱草無

陶瓦也其國有僧謂王前世皆僧僧來世作王其貴僧亦稱僧王國有號合決焉凡國人謁王必合掌跪而撫王足者三自撫其首者三謂之頂禮凡王子始長習梵字梵禮若術數之類皆從貴僧故貴僧之權侔于王國無姓氏華人流寓者始從本姓一再傳亦亡矣人皆髡首恥為竊盜其監獄則穴地為重樓三級謂之天牢輕罪置上級差重置中級殊死者置下級其輕刑以皮鞭差重斷足十指差重斷手十指罪至殊死者腰斬或以象蹂之貴僧為請于王王乃宥之沒為僧奴謂之奴囚賦役省薄惟給象為最重故殊死獲免者不為奴囚則以給象終身焉國無占候凡日薄蝕國人見者則奔告于王首至者賞建寅之月王乃命巫占方命力者由勝方所向掠人而別其膽雜諸藥為湯王濡足象濡首以作猛氣凡用膽華人為上僧不別孕婦不別瘡疔不別是故用膽視歲甲子為多寡也建辰之月是為歲首建已之月始作農事建午之月潦始漲建酉之月潦退王乃御龍舟乃祀土穀禾乃登始穫凡稼之長茂視潦之淺深稈長丈有三尺穠八尺有咫稻長盈寸田畝贍數

口少歉歲也婦女多慧巧刺繡織衽工於中國尤善醞釀故暹酒甲於諸夷婦飾必以諸香澤其體髮日夕三四浴戲狎不禁雖王之妻妾皆盛飾倚市與漢兒相貿易不訝亦不敢亂居父母若夫之喪則削髮如比邱尼經旬乃蓄鬢如舊凡死喪富者火尸而葬貧者舉尸筏而浮諸海喪屬跪伏海濱迎僧而咒羣大鳥啄食頃刻而盡謂之鳥葬凡有鰐患則奔赴於王王詔貴僧咒飯而投諸鰐所乃以貝多葉書數符佩以奴囚沒水牽數鰐出貴僧稽其孽跡多者戮之刳其腹有得鉛珠二升者跡少乃黥符其背咒而縱之國人凡有仇怨皆謁僧求咒其咒土夷遭者非死即病然不能驗于華人也凡飯僧少具十品食麥襦杭牛羊豕鵝鴨雞魚皆熟而薦之僧咒而後舉舉必盡數器不足十品不以供其產多蘇方木檳榔椰子波羅蜜片腦諸香雜菓象齒犀角金寶玕瑄之屬貿易用貲故其民饒富豪酋各劇別島而居奴囚數百口蓄貲每鉅萬不蓋藏不虞寇西洋諸國異產奇貨輻輳其地匠藝工綴嵌寶指環時至中國一枚值數千金地廣兵強嘗併有占臘蘇祿而私其貢



賦以不繫中國利害置不問也  
 謝清高海錄曰暹羅國在東埔寨之西縱橫數千里西  
 北與緬甸接壤國大而民富庶船由港口入內河西行  
 至國都約千餘里夾岸林木葱龍田疇互錯時有樓臺  
 下臨水際猿鳥號鳴相續不絕男女俱上裸男以幅布  
 圍下體女則被裊官長衣製與中國雨衣略同以色辨  
 貴賤紅者為上右臂俱刺文王則衣文彩繡佛像其上  
 飛金貼身首器皆以金陸乘象輦水乘龍舟凡下見上  
 偏祖跣足屈腰蹲身國無城郭民皆板屋王則瓦覆其  
 上臨水為之土人多力農時至則播種熟則收穫無事  
 耘鋤故稱樂土商賈多中國人其釀酒販鴉片煙開場  
 聚賭三者推稅甚重俗尊佛教每日早飯寺僧被袈裟  
 沿門托鉢家家必以精飯肴蔬合掌拜獻僧回寺奉佛  
 外又三分之僧食其一鳥雀食其一以其一飼蟲鼠終  
 歲如是僧無自舉火者出家為僧謂之學禮雖富貴家  
 子弟亦多為之弱冠後聽其還俗其婚嫁俱至僧寺拜  
 佛然後歸合盃焉頗重中國文字客有能詩文者國王  
 多羅致之而供其飲食國有軍旅則取民為兵一月之

內其糗糧皆兵自備越月然後王家頒發四鄰小國多  
 屬焉土產全銀鐵錫魚翅海參鰾魚瑇瑁白糖落花生  
 檳榔胡椒荳蔻砂仁木蘭椰子速香沈香降香柳楠香  
 象牙犀角孔雀翡翠象熊鹿水鹿山馬水鹿形似鹿而  
 無角色青其大者如牛山馬形似鹿而大商賈常取其  
 角假充鹿茸犀角有二種色黑而大者為鼠角價賤極  
 大者重二三斤小者亦重斤餘其色稍白而旁有一澗  
 直上者為天曹角其澗直上至頂者亦不貴若頂上二  
 三分無澗而圓滿色潤而微者則貴矣椰木如椶直幹  
 無枝其大合抱高者五六丈種七八年然後結子每歲  
 止開花四枝花莖傍葉而生長數尺花極細碎一枝止  
 結椰子數顆四花分四季采之欲釀酒者則於花莖長  
 盡花未及開時用蕉葉裹其莖勿令花開再以繩密束  
 之欲莖末數寸取瓦甌承之其液滴于甌中每日清晨  
 及午酉亥三時則收其液清晨所收味清甜日出後則  
 微酸俱微有酒味再釀之則成酒矣所飲處稍乾則又  
 劑之花莖盡而止椰肉可以榨油壳可為器衣可為船  
 纜故番人多種之歲以土物貢中國

暹羅屬國沿革二

今東埔寨古真臘○原無今補

隋書真臘國在林邑西南本扶南之屬國也去日南郡舟行六十日而至南接車渠國西有朱江國其王姓利氏自其祖漸已強盛遂兼扶南而有之居伊奢那城郭下二萬家城中有一大堂是王聽政之所總大城三十城有數千家各部帥官名與林邑同其王三日一聽朝坐五香七寶床上施寶帳其帳以文木為竿象牙金錫為壁狀如小屋懸金光焰有同于赤土前有金香鑪二人侍側王着朝霞古具縵絡腰腹下垂至脛頭戴金寶花冠被真珠瓔珞足履革屣耳懸金璫常服白氎以象牙為屨若露髮則不加瓔珞臣人服製大抵相類有五大臣一曰孤落支二曰相高憑三曰婆何多陵四曰舍摩陵五曰髡多婁階庭門閣侍衛有千餘人被甲持仗其國與參半朱江二國和親數與林邑陀洹二國戰爭其人行止皆持甲仗若有征伐因而用之其俗非王正妻子不得為嗣王初立之日所有兄弟并刑殘之或去一指或剝其鼻別處供給不得仕進人形小而色

黑婦人亦有白者悉拳髮垂耳性氣捷勁居處器物頗類赤土以右手為淨以左手為穢每旦澡洗以楊枝淨齒誦經咒其國北多山阜南有水澤地氣尤熱無雪霜饒瘴癘毒蟲土宜稻粱少黍粟果菜與日南九真相類異者有婆那婆樹毘野樹婆田羅樹歌畢佗樹其餘多同九真近都有陵伽鉢裳山上有神祠每以兵五千人守衛之城東有神名婆多利祭用人肉其王年別殺人以夜祀禱亦有守衛者千人其敬鬼如此多奉佛法尤信道士佛及道士并立像於館大業十三年遣使貢獻帝禮之甚厚其後亦絕唐書真臘一曰吉篋本扶南屬國去京師二萬七百里東距車渠西屬驃南瀕海北與道明接東北抵驩州其王利利氏貞觀初并扶南有其地戶皆東向坐上東客至肩檳榔龍腦香蛤以進不飲酒惟與妻飲房中避尊屬有戰象五千良者飼以肉世與參半驃通好與環王乾陀洹數相攻自武德至聖歷凡四來朝神龍後分為二半北多山阜號陸真臘半南際海饒陂澤號水真臘水真臘地八百里王居婆羅提拔城陸真臘或曰文單

曰婆鏤地七百里王號直屈開元天寶時王子率其屬  
二十六來朝拜果毅都尉大歷中副王婆彌及妻來朝  
獻馴象十一擢婆彌試殿中監賜名賓漢是時德宗初  
即位珍禽奇獸悉縱之蠻夷所獻馴象畜苑中元會充  
庭實者凡三十二悉放荆山之陽元和中水真臘亦遣  
使入貢  
宋史真臘國亦名占臘其國在占城之南東際海西接  
蒲甘南抵加羅布其縣鎮風俗同占城地方七千餘里  
有銅臺列銅塔二十有四銅象八以鎮其上象各重四  
千斤其國有戰象幾二十萬馬多而小政和宣和皆來  
朝貢封其王與占城等  
明史真臘在占城南順風三晝夜可至隋唐及宋皆朝  
貢宋慶元中滅占城而并其地因改國名曰占臘元時  
仍稱真臘洪武三年八月遣使臣郭徵等賚詔撫諭其  
國四年其國巴山王使使進表貢洪武十六年遣使賚  
勘合文冊賜其王凡中國使至而勘合不符者即屬矯  
偽許禁縛以聞復賜織金文綺三十二磁器萬九千其  
王即使使來貢洪武十九年復遣行人劉敏唐敬偕中

官贊磁器往賜洪武二十年唐敬等還其王使使貢象  
五十九匹香六萬斤尋遣使賜其王鍍金銀印永樂中  
屢入貢使者以其國數被占城侵擾久留不去帝遣中  
官送之還并赦占城王罷兵修好景泰後不常至其國  
城隍周七十餘里幅員廣數千里國中有金塔金橋殿  
宇三十餘所王歲時一會羅列玉猿孔雀白象犀牛於  
前名曰百塔洲盛食以金盤金椀故有富貴真臘之諺  
民俗富饒天時常熱不識霜雪禾一歲數稔男女椎髻  
穿短衫圍梢布刑有剝刑刺配盜則去手足番人殺唐  
人罪死唐人殺番人則罰金無金則鬻身贖罪唐人者  
諸番呼華人之稱也凡海外諸國盡然文字以鹿鹿雜  
皮染黑用粉為小條畫於上永不脫落以十月為歲首  
閏悉用九月夜分四更亦有曉天文者能算日月薄蝕  
其地謂儒為班詰僧為苾姑道為八思由班詰人仕者  
為華貴先時項掛一白綫以自別既貴曳白如故俗尚  
釋教僧皆食魚肉或以供佛惟不飲酒其國自稱甘字  
智後訛為甘破蔗萬歷後又改為東埔寨  
東西洋考東埔寨即古真臘國也其國自呼甘字智後

訛為激浦只今云東埔寨者又激浦只之訛也先為扶南屬國王姓利利氏至質斯多那兼扶南而有之遂雄諸夷隋大業十三年遣使貢獻帝禮之甚厚至唐疆土寢闕神龍以來國分為二北多山阜號陸真臘南近海號水真臘久之仍合為一今賈舶所至大都水真臘地也宋時屢入貢建炎間其國屢與占城戰失利至建元時大興復仇破占城遂王其地改國號占臘於是地方七千餘里元之置省占城也嘗遣虎符金牌同往真臘為所拘執元貞中始招諭賓服之明興職貢不絕今賈舶未有到王城者只到海隅一屬國耳故不見其靡麗或云即蒲甘也按宋史蒲甘入貢朝議欲待以交趾之禮乃本朝貢夷獨無蒲甘應是為真臘所并無疑矣○源案蒲甘即今港口夷一作龍奈皇清通考四裔門東埔寨在西南海中海岸多泥名爛泥尾北枕大山國中無城池王即山而建府架竹木為之覆以茅葉民居亦然其尤近海濱者潮汐至則屋為之浮而上沈而下天時暖而不寒常若春夏衣不以鈕扣披于其身若尸解者下則圍以裙名曰水幔首蓄髮

蒙以花帕自王至於國人無異制惟貴者始得服綢緞國人皆布以是為等差人柔弱喜餉象教之操演禦敵飲食咸用手搏以漁獵耕種為業帶劍入山尋犀角獻尊長以為禮父母喪則薙髮以黑色為居喪之服土產蘇木象牙白豆蔻藤黃麝皮檳榔子黃蠟每冬春間浙閩粵商人往彼互市近則兼市絲觔及夏秋乃歸粵人之歸也舟必經七洲大洋到魯萬山由虎門入計程七千二百里距廈門水程一百七十更國王名辣王丹女之子篡之不知其姓名安南暹羅屬國也其旁有尹代嗎國距廈門水程一百四十更亦屬安南暹羅風俗略與港口東埔寨同海國聞見錄曰廣南沿海至占城祿賴繞西而至東埔寨廈門至占城水程一百更至東埔寨水程一百一十三更東埔寨雖稍有一遜水陸各得並進而征之番係廣南西貢暹羅稍有一遜水陸各得並進而征之番係白頭無來由多裸體以布幅圍下身名曰水幔地產鉛錫象牙翠毛孔雀洋布蘇木降香沈速諸香燕窩海菜藤○案海錄祿賴作龍奈東埔寨作本底國

皇清通考四裔門港口國瀕西南海中安南暹羅屬國也王鄭姓今王名天賜其沿革世次不可考國中多崇山所轄地纔數百里有城以木為之宮室與中國無異自王居以下皆用磚瓦服物制度彷彿前代王蓄髮戴網巾紗帽身衣蟒袍腰圍角帶以鞞為履民衣長領廣袖有喪皆衣白平居以雜色為之其地常暖雖秋冬亦不寒人多裸而以裳圍其下相見以合掌拱上為禮重文學好詩書國中建有孔子廟漢人流寓其地有能句讀曉文義者則延以為師子弟皆彬彬如也土產海參魚乾蝦米牛脯雍正七年後通市不絕經七洲大洋到魯萬山由虎門入口達廣東界計程七千二百里距廈門水程一百六十更○源案港口地方與東埔寨相連非海島也亦真臘舊境疑即宋史所謂蒲甘國而阮王阮福映借暹兵克復安南則在嘉慶初云其國自稱曰元周達觀真臘風土記真臘國或稱占臘其國自稱曰甘字智今我元按西番經名其國曰澈浦只蓋亦甘字智之近音也自溫州開洋行丁未針歷閩廣海外諸州

港口過七州洋經交趾洋到占城又自占城順風可半月到真蒲乃其境也又自真蒲行坤申針過崑崙洋入港港凡數十惟第四港可入其餘悉以沙淺故不通巨舟然彌望皆修藤古木黃沙白葦倉卒未易辨認故舟人以尋港為難自港口北行順水可半月抵其地曰查南乃其屬郡也又自查南換小舟順水可十餘日過半路村佛村渡淡洋可抵其地曰干傍取城五十里按諸番志稱其地廣七千里其國北抵占城半月路西通暹羅半月程南距番禺十日程其東則大海也舊為通商往來之國本朝峻都元帥之置省占城也嘗遣一虎符百戶一金牌千戶同到本國竟為拘執不返元貞乙未遣使招諭以次年二月離明州二十日自溫州港口開洋三月十五日抵占城中途逆風不順七日始至大德丁酉六月回舟八月十二日抵四明又曰天時耕種歲可三四熟蓋四時常如夏不識霜雪也其地半年有雨半年無雨自四月至九月每日午後必雨淡水洋中水痕漸高至七八丈巨樹盡沒惟留一杪人家濱水而居者皆移入山至十月後點雨絕無洋

中僅可通小舟，深處不過三五尺，人家又復移下矣。耕種者，計何時稻熟，是時水可涸，至何處隨其地而播種之。又有一等下田，不種常生水，高至一丈，而稻亦與之俱高。凡稻田蔬圃，皆不用糞，唐人到彼，皆不與言及中國糞壅之事，恐為所鄙也。

又曰：山川自入數真蒲以來，平林夾岸，長江巨港，綿亘百里，古樹修藤，禽聲雜遝，至半港始見曠田，則又絕無寸水，彌望禾黍芄芄而巳。野牛千百成羣，游聚其間，又有竹坡，亦綿亘數百里，其間竹節相間，生刺，筍味至苦，四畔皆有高山。

又曰：屬郡九十餘，曰真蒲，曰查南，曰巴潤，曰莫良，曰八薛，曰蒲買，曰雉棍，曰木津波，曰賴敢坑，曰八厮里，其餘不能悉記。各置官屬，皆以木柵為城。

又曰：每一村或有寺，或有塔，人家稍密，自有鎮守之官。大路旁亦有郵亭之類，近與暹人交兵，遂皆荒曠。

又曰：風俗前此有八月取膽之俗，因占城王每年索人膽一囊，千萬餘枚，遇夜則多方令人於城中及村落取之，俟數足以饋占城王。近年已除此惡俗。

又曰：國人交易皆婦人，所以唐人到彼，必先納一婦，以司貿易。瀕海山野之人，炎日蒸炙，面黧首黔，至王宮貴室之婦女，不親風日，仍瑩潔如玉，惟女甫及七八九歲，即必延僧先開其童身，十一二即嫁，先天不完，故甫及二十，即如四十歲人，其俗小兒入學者，皆先就僧家教習，暨長而還俗，其故莫能考也。

又曰：地苦炎熱，每日非數次澡浴，則不可耐，入夜亦不免一二次，初無浴室，盆匱，但每家各有一池，否則兩三家合一池，不分男女，皆裸浴，其間惟父母尊長與子女卑幼，先後尚相迴避，如行輩則無拘也。城外大河無日無之，水常溫，如湯，惟五更則微涼，至日出則復溫矣。唐人得屋，室易辨，器用易足，貿販易獲利，往往連留不返。又曰：軍卒亦多裸跣，右執標鎗，左執戰牌，無弓箭礮石甲冑，傳聞與暹人相攻，皆驅百姓使戰，別無謀畫。

又曰：國王乃故國主之婿，原以典兵為職，使女竊其金劍，遂據其國，身嵌聖鐵，刀箭不能傷，恃此出游，無忌。凡出時，諸軍馬擁其前，旗幟鼓樂踵其後，宮女三五百花

布花髻手執巨燭自成一隊雖白日亦照燭又有宮女  
皆執內中金銀器皿及文飾之具制度迥別不知何用  
又有宮女執標鎗標牌為內兵又成一隊又有羊車馬  
車皆金飾之臣僚國戚皆騎象在前遠望紅涼傘不計  
其數又其次則國王之妻及妾媵或轎或車或馬或象  
其銷金涼傘何止百餘其後則是國主立于象上手持  
寶劍象牙亦以金飾之張銷金白涼傘凡二十餘柄其  
傘柄皆金為之其四圍擁簇之象甚多又有軍馬護之  
若遊近處止用金轎皆以宮女昇之凡出入必奉小  
金塔金佛在其前觀者皆跪地頂禮國王日兩次坐衙  
治事凡臣民欲見國王者皆先列坐地上以俟少頃內  
中隱隱有樂聲在外方吹螺以迎之須臾見二宮女纖  
手捲簾瓦國主乃仗劍立于金窗之中矣臣僚以下皆  
合掌叩頭螺聲方絕王坐獅子皮聽事既畢尋即入內  
二宮女復垂其簾  
諸人各起散矣

海國圖志卷九

東南洋四海岸之國

邵陽魏源撰

暹羅東南屬國今為英吉利新嘉坡沿革三即滿刺加

舊柔佛等國新嘉坡一作新州府一作星忌利坡皆字音相近。原無今補

明史滿刺加在占城南順風八日至龍牙門又西行二

日即至或云即古頓遜國唐曰哥羅富沙梁書海南諸國傳頓遜國

在海崎上地方千里城去海十里有五王並羈屬扶南  
杜氏通輿頓遜國梁時聞馬在海崎山上北去扶南  
可三千里其國之東界通交州其西界接天竺諸國賈  
人多至其國而互市馬頓遜迴入海中千餘國漲海無  
涯岸船未曾得逕過也其市東西交會日有萬餘其地  
人珍寶物貨無種不有又哥羅富沙國亦見通輿

無王亦不稱國服屬暹羅歲輸金四十兩爲賦永樂元年遣使賜以織金文綺宣示威德招徠之其酋大喜遣使隨入朝貢永樂三年九月至京師詔封爲滿刺加國王請封其山爲一國之鎮帝製碑文勒山上永樂九年王率妻子陪臣五百四十餘人來朝抵近郊命中官有司宴勞供張會同館入朝奉天殿帝親宴之錫賚甚厚永樂宣德中王屢率妻子陪臣來朝並訴暹羅見侵狀朝廷屢敕暹羅暹羅乃奉詔成化十七年九月貢使言成化五年貢使還飄抵安南境多被殺餘鯨爲奴今已

據占城地又欲吞本國帝乃因安南使還敕責其王後佛郎機強舉兵侵奪其地國王出奔遣使告難時世宗已嗣位敕責佛郎機令還其故土而諭暹羅國諸王救災卹鄰迄無應者滿刺加竟爲所滅時佛郎機亦遣使朝貢請封抵廣東守臣以其國素不列王會羈其使以間詔予方物之直遣歸後改名麻六甲云所貢物有瑪瑙珍珠玳瑁珊瑚樹鶴頂金母鶴頂瑣服白苾布西洋布撒哈刺犀角象牙黑熊黑猿白麋火雞鸚鵡片腦薑薇露蘇合油梔子花烏爹泥沈香速香金香阿魏之屬



有溪可淘沙取錫田瘠少收民皆淘錫捕魚爲業氣候朝熱暮寒男女椎髻黝黑間有白者唐人種也俗淳厚市道頗平自爲佛郎機所破其風頓殊商舶希至多直詣蘇門答刺然必取道其國率被邀劫路幾斷其自販于中國者則直達廣東香山澳接跡不絕云

明黃衷海語滿刺加在南海中始爲暹羅屬國厥後守土酋長叛其主而自立自東莞縣南亭門放洋星盤與暹羅同道至岷岫洋直子午收龍牙門港二日程至其國爲諸夷輻輳之地亦海上一小都會也王居前屋用

瓦乃永樂中太監鄭和所遺者餘屋皆錫箔爲飾遇制使若列國互市王卽盛陳儀衛以自傲備民皆居士室其尊官稱姑郎伽邪巨室稱南和達民多饒裕富家胡椒有至數千斛象牙犀角西洋布珠貝香品所蓄無算文字皆梵書貿易以錫行大都錫三斤當銀一錢牙儻交易搦指節以示數千金貿易不立文字指天爲約卒無敢負者不產五穀米稻皆販自羅囉囉陂隄里俗奉回教禁豕肉以酥酪和飯而啖雞犬鷺鶩常仰販他國價五倍於華民性獷暴而重然諾刃不離頃刻語不合

輒搵刃其胸逃匿山谷踰時乃出死者家不復尋讐姑  
 郎伽邪亦不復追論矣地多崇山大谷陸行可達暹羅  
 嘗併有瓜哇之國古閩婆國然瓜哇夷素兇狡凡受傭其地  
 而戕害其主者十八九惟善制樂筒中其矢者無不立  
 死正德間西洋佛郎機之船互市爭利而閩夷王執其  
 那達而囚之佛郎機人歸愬於其主乃治八大艘精兵  
 及萬乘風突襲其國大被殺掠滿刺加王退保陂隄里  
 佛郎機將以其地索賂於暹羅而歸之暹羅辭焉佛郎  
 機滿載而歸王乃復所瀛涯勝覽滿刺加舊名五嶼以海有此山也東南距海西北皆

岸岸連山地瘠鹵收穫殊寡故未稱國隸暹羅歲輸金  
 五十兩否則被伐永樂七年己丑上命太監鄭和冊為  
 國王王自是不役屬暹羅攜妻子赴京謝願修職貢上  
 賜船還其境有大溪灌王宮入海跨溪橋之構亭于上  
 約二十餘楹交易者來集俗尚回回教持齋受戒王以  
 白纏頭風俗淳樸民舍如暹羅聯榻而坐業漁列木為  
 舟泛海而漁婚喪類瓜哇中國船亦至其地梓木為柵  
 關四門鼓樓夜巡以鈴內設重柵有倉庫可貯貨五月  
 中方發船厥產黃連香烏木打魔香此香乃樹脂墮地  
 成遇火即燃國人以當燈及塗舟水不能入明瑩者若  
 金箔名水珀是已南懷仁坤輿圖說滿刺加國地不  
 甚廣為海商輻輳正在赤道下春秋二分氣候極熱賴  
 無日不雨故可居產象及胡椒佳果木終  
 歲不絕人良善不事生業或彈琵琶閒遊  
 謝清高海錄宋卡國在暹羅南少東由暹羅陸路十七  
 八日水路東南行順風五六日可到疆域數百里或作

宋腳或作宋脬勝土番名無來由地曠民稀俗不食豬與回回同鬚止留下頷出入懷短劍自衛娶妻無限多寡男女將婚男必先損其童身女年十一二即嫁十三四便能生產男多贅於女家俗以生女為喜以其可以贅婿養老也若男則贅於婦家不獲同居矣其資財則男女各半凡無來由種類皆然死無棺槨葬椰樹下以淫為佳不封土不墓祭王傳位必以嫡室子庶子不得立君臣之分甚嚴王雖無道無敢覬覦者即宗室子弟國人無敢輕慢婦人穿衣褲男子唯穿短褲裸其上有

事則用寬幅布數尺縫兩端襲於右肩名沙郎民見王及官長俯而進至前蹲踞合掌于額立而言平等相見唯合掌于額餘與暹羅略同山多古木土產孔雀翡翠瑇瑁象牙胡椒檳榔椰子銀鐵沈香降香速香伽楠香海參魚翅歲貢于暹羅皇清通考四裔門宋脬勝在西南海中屬暹羅俗佞佛以手團食男蓄髮削其髻著衣袴無鞋襪首插雉尾腰繫疋帛事耕漁常佩刀女椎髻跣足短衣長裙披錦于肩能紡織土產牛鹿肉蝦米燕窩海參番錫之屬本朝雍正七年後通市不絕其國距廈門水程一百八十更旁有埭仔六崑大呢諸國埭仔在西南海中東北與宋脬勝接風俗男子服短衣布幔跣足持刀女穿花色衣被絲幔足曳淺拖鞋土產燕窩番錫象牙棉花其國距廈門水程一百八十更西與六崑國接六崑風俗物產同埭

海國圖志 卷九  
仔距廈門水程一百五十更太呢一名大年在西南海中東北與六崑接男女短衣跣足佩刀執鎗土產胡椒蝦米燕窩黃蠟牛鹿脯其國距廈門水程一百五十更三國自雍正七年後通市不絕與宋朋勝俱暹羅屬國  
海錄又曰太呢國在宋卡東南由宋卡陸路五六日水路順風約日餘可到連山相屬疆域亦數百里風俗土產均與宋卡略同民稀少而性兇暴海艘所泊處謂之淡水港其山多金山頂產金處名阿羅帥由淡水港至此須陸行十餘日由吉蘭丹港口入則三四日可至故中華人到此淘金者船多泊吉蘭丹港門以其易于往來也國屬暹羅歲貢金三十斤明張奕東西洋考太呢國華人流寓甚多趾相

踵也船至獻果幣如他國初必設食待華人後來此禮漸廢矣貨賣彼國不敢徵稅惟與紅毛售貨則湖絲百觔稅紅毛五斤華人銀錢三枚他稅稱是若華人買彼出貨下船則稅如故

又曰吉蘭丹國在太呢東南由太呢沿海順風約日餘可到疆域風俗土產略同太呢亦無來由種類為暹羅屬國王居在埔頭埔頭者朝市之處而洋船所灣泊也周圍種笏竹為城加以木板僅一門民居環竹外王及官長俱席地而坐裸體跣足無異居民出則有勇壯數十擁護而行各持標鎗見者咸躄身合掌王過然後起政簡易王日坐堂酋長有稱萬者有稱斷者咸入朝環

坐議政事有爭訟者不用呈狀但取蠟燭一對俯捧而進王見燭則問何事訟者陳訴王則命宣所訟者進質

王以片言決無曲直無敢不遵者或是非難辨則令沒

水沒水者令兩造出外遇道路童子各執一人至水旁延番僧誦咒以一竹竿令兩童各執一端同沒水中

番僧在岸咒之所執童先浮者則為曲無敢復爭童子父母習慣亦不以為異也又其甚者則

有探油鍋法盛熱油滿鍋番僧誦咒取一鐵塊置鍋中令兩造探而出之其理直者則毫無損傷

否則鼎沸傷人終不能取非自度無愧者鮮不臨鍋而服罪故訟者無大崛強而君

民俱奉佛甚虔王薨或子繼或弟及雖有遺命然必待

民心之所歸而後即位若民不奉命而兄弟叔姪中有

為民所戴者則讓之而退處其下不然雖居尊位而號

令亦不行也土番居埔頭者多以捕魚為生每日上午

各操小舟乘南風出港下午則乘北風返棹南風謂之

出港風北風謂之入港風日日如此從無變易殆天所

以養斯民也其居山中者或耕種或樵採上無衣下無

褲唯剝大樹皮圍其下體亦無屋宇穴居巢處凡土番

俱善標鎗能擲殺人於數十步外乘便行劫避匿老林

故山谷僻處鮮有行人爭訟有不能決者常自請於王

願互用標鎗死無悔王亦聽之但酌令理直者先標中

海國圖志卷九  
而死則彼家自以尸歸不中則聽彼反標顧鮮有不中者婦女淫亂而禁嫁華人故閩粵人至此鮮娶者有妻皆暹羅女也犯姦者事發執而囚之度其身家厚薄而罰其金凡犯令者亦然少笞杖之刑國有大慶王先示令擇地爲場至期于場中飲酒演戲國人各以土物貢獻王受其儀于場中賜之飲食四方來觀之華夷雜沓姦賭無禁越月而後散凡獻餽儀物皆以銅盤盛之戴于首而進飲食不用箸多以右手搏取故重右而輕左人若以左手取食物相贈遺則怒爲大不敬云地多瘴

厲華人至此必入浴溪中以水灌頂多至數十桶俟頂上熱氣騰出然後止日二三次不浴則疾發居久則可少減然亦必日澡洗卽土番嬰疾其傷於風熱者多淋水卽瘳無庸藥石凡南洋諸國皆然其地有雙戈及呀喇頂等處皆產金由吉蘭丹埔頭入內河南行二日許西有小川通太呢阿羅帥又南行日餘雙戈水會之又南行十餘日則至呀喇頂與彭亨後山麻姑產金處相連河中巨石叢雜水勢峻厲用小舟逆挽而上行者甚艱中國至此者歲數百閩人多居埔頭粵人多居山頂

山頂則淘取金沙，埔頭則販賣貨物及種植胡椒。凡洋船到各國，王家度其船之大小，載之輕重，而權其稅。船大而載重者，納洋銀五六百枚，小者二三百不等。謂之發頭金。客人初到埔頭，納洋銀一枚。居淡歲，又納丁口銀一枚。居吉蘭丹山頂淘金，欲回中國者，至埔頭必先見王，納黃金一兩，然後許。年老不復能營生者，減半。若甲必丹知其貧而為之請，則免。甲必丹者，華人頭目也。凡洋船造船出賃者，謂之板主。暹羅盤指示方向者，謂之夥長。看舵者，謂之太工。管理銀錢出入者，謂之財庫。

船口登記收發貨物者，謂之清丁。而出資賃船，置貨貿易，則為船主。船中水手，悉聽指麾。故有事亦唯船主是問。其釀酒販鴉片開賭場者，稅亦特重。私家通負，酋長嘗置若罔聞。而賭賬則追捕甚力。各國多如此。食鴉片煙，則吉蘭丹為甚。客商鮮不效尤者。其土產唯檳榔胡椒為多，亦以三十斤金為暹羅歲貢。源案吉蘭丹即大呢之馬頭也。風俗俱同。大呢嘉靖末，海寇餘眾，遂歸於此。生聚至二千餘人。行劫海中，商船苦之。或謂吉蘭丹即小葛蘭國。按小葛蘭與柯枝接壤，而吉蘭丹與大呢相連，去彼遠甚。但大呢吉蘭丹俱鑄金為錢，而柯枝與小葛蘭亦俱用金錢。以此相同，影響之所自起也。姑載之以破疑。

又曰丁加羅國一作丁葛奴疑即丁機宜也源案此語誤甚丁機宜別自一島在蘇門答刺之東非暹羅相連之地在吉蘭丹東南由吉蘭丹沿海約日餘可到疆域風俗與上數國略同而富強勝之各國王俱喜養象聞山中有野象王家則令人砍大木於十里外周圍柵環之旬日漸移而前如此者數次柵益狹象不得食俟其羸弱再放馴象與鬪伏則隨馴象出自聽象奴驅遣土產胡椒檳榔椰子沙藤冰片燕窩魚翅海參油魚鮑魚螺頭帶子紫菜孔雀翡翠速香降香伽楠香帶子角帶也形若江瑤柱胡椒最佳甲於諸

番歲貢暹羅安南及鎮守葛刺巴之荷蘭陳倫炯海國聞見錄由暹

羅西南斜仔六坤宋脚皆暹羅屬國大呢吉蘭丹丁葛奴彭亨諸國沿山相續俱由小真嶼向西分往水程均一百五六十更不等土產鉛錫翠毛佳文席燕窩海參料藤冰片等類相同惟丁葛奴胡椒甲於諸番番皆無來由族類不識義理裸體挾刀下無幅幔檳榔夾煙嚼生米和水吞買易難容多艘

又曰彭亨在丁加羅南音近邦項本無正字也此由丁加羅陸路約二日可到疆域風俗人情均與上數國同

亦產金而麻姑所產為最土產胡椒冰片沙穀米胡椒藤木

初種時長尺餘年餘長至數尺則卷成圈復取土掩之俟再生然後開花結子十餘年藤漸弱則取其旁舊土或有雜木葉霧敗其中者糞之復茂不可以他物糞至三十餘年則不復結子須擇地另種舊地非百年後不



能復種自安南至麻倫呢諸國皆有唯丁加羅所產為最冰片木液也周流木內夜則上于樹杪明則下于樹根土番夜聽其樹而知其上下老嫩俟其老時四鼓潛往以刀削其根數處如中國之取松脂然天明其液流從砍處落地滴滴成片若未老則出水而已沙穀米亦以木液為之其木大者合抱砍伐破碎春之成屑則以水洗之去其滓俟其水澄即其下凝者暴乾成粉以上復以水洒之則累累如顆珠煮食之可以療饑

數國閩粵人多來往貿易者內港船往各國俱經外羅山南行順風約一日過煙筒大佛山又日餘經龍柰口過崑崙海日餘見崑崙山至此然後分途而行往宋卡暹羅大呢吉蘭丹各國則用庚申針轉而西行矣由彭亨東南行約日餘復轉西入白石口順東南風約日餘

則到舊柔佛

明史彭亨在暹羅之西洪武十一年其王表貢永樂十年遣中官鄭和使焉其國土田沃氣候常溫米粟饒足煮海為鹽釀椰漿為酒上下親狎無寇賊然惑於鬼神刻香木為像殺人祭賽以禳災祈福所貢有象牙片腦乳香速香檀香胡椒蘇木之屬

又曰舊柔佛在彭亨之後陸路約四五日可到疆域亦數百里民情風俗略與上同土番為無來由種類本柔佛舊都後徙去故名舊柔佛嘉慶間英吉利以此為海道四達之區墾闢土地招集商民貿易耕種而薄其賦稅數年來舟船輻輳樓閣連亘遂為勝地番人稱其地為息辣閩粵人謂之新州府亦或作新嘉坡土產胡椒

檳榔膏沙藤紫菜檳榔膏即甘瀝可入藥明史柔佛近  
丁礁林永樂中鄭和遍歷西洋無柔佛名或言和曾經  
東西竺山今此山正在其地疑即東西竺萬歷間其酋  
好構兵鄰國丁機宜彭亨屢被其患華人販他國者其  
人多就之貿易時或邀至其國中覆茅為屋列木為  
城環以池無事通商于外有警則召募為兵稱強國焉  
地不產穀常易米于鄰壤字用荳蔻葉以刀刺之見星  
方食節序以四月為歲首居喪婦人薙髮男子則重薙  
死者皆火葬所產有犀象玳瑁片腦沒藥血竭錫蠟嘉  
文簞木棉花檳榔海菜燕窩西國米冰片吉柿之屬  
皇清通考四裔門柔佛在西南海中背山而國前臨大  
海歷海洋九千里達廣東界經七洲大洋到魯萬山由  
虎門入口國中無城郭宮室王府即建於海濱支以竹  
木蓋以茅葉民皆環山而居崇山峻嶺樹木叢雜野獸  
縱橫天時雖秋冬亦暖王以柳葉為衣左衽下裳密綴  
小花為之佩刀首蓄髮長二三寸蒙以金花帕跣足民  
人冠用銅綫為胎幔以白布衣短衫或裸而以裳圍其

下體婦女織席挽椎髻肩披錦父母喪則薙髮衣黑衣  
為喪服夫皆贅於婦相見以合掌拱上為禮俗輕生好  
殺尚佛教喜鬪雞伐鳥木拾海菜時出海劫掠飲食用  
手忌猪肉嗜煙歲齋一月舉國絕食見星乃食歷三十  
日始止土產降香烏木西國米冰片海參胡椒燕窩之  
屬亦產沙金鑄花小金錢為幣康熙初嚴南洋諸國商  
販之禁故閩粵無柔佛之船而內地商船亦無往其國  
者迨雍正七年弛禁後其國通市不絕距廈門水程一  
百八十更七洲洋中有神鳥狀如海雁而小長喙色紅  
腳短而絳尾羽如箭長二尺許能導人水程呼是則飛  
去日否則仍飛而來獻紙謝神翔翔不知所之矣柔佛  
屬國有丁葛奴單咀彭亨皆雍正七年後通市丁葛奴  
亦瀕南海四時皆暖無霜雪崇山峻嶺蜿蟺相望風俗  
略同柔佛土產胡椒之美甲於他番餘則沙金冰片沙  
藤速香等物其國人終身不出境無航海而來中國者  
每歲冬春間粵東本港商人以茶葉羹器色紙諸物往  
其國互市乾隆二十九年以兩廣總督蘇昌奏准帶土  
絲及二蠶胡絲浙閩人亦間有往者及夏秋乃歸必經

七洲大洋至魯萬山由虎門入口達廣東界計程九千里單咀距廈門水程一百三十更風俗衣服飲食土產與柔佛同彭亨國與柔佛連山相枕內地商民往柔佛國有轉附番船至其地貿易者陳倫炯海國圖見錄柔佛國山雖聯於彭亨其勢在下水路應到崑崙用未針取茶盤轉西至柔佛計廈門水程一百七十三更番情與上諸國相似所產亦相同惟較之略美而倍多每年經商可容三四船就舟交易產沙金國以鑄花小金錢為幣重四五分銀幣不行

又曰麻六甲一作滿刺加在舊柔佛西北東北與彭亨後山毗連陸路通行由舊柔佛水路順東南風半日過琴山徑口又日餘到此土番亦無來由種類疆域數百里崇山峻嶺樹木叢雜民情兇惡風俗詭異屬荷蘭

管轄初小西洋各國番舶往來中國經此必停泊採買貨物本為繁庶之區自英吉利開新嘉坡而此處浸衰息矣土產錫金冰片沙藤胡椒沙穀米檳榔燕窩犀角水鹿玳瑁翡翠降速伽楠各香閩粵人至此採錫及貿

易者甚眾陳倫炯海國圖見錄由柔佛而西麻喇甲亦漢人理國專掌財賦產金銀西洋布犀角象牙鉛錫胡椒降香蘇木燕窩翠毛佳文席等類金錢銀幣皆互用中國洋艘到此而止距廈門水程二百六十更海錄又曰沙刺我國在麻六甲西北由麻六甲海道順東南風二三日經紅毛淺下有浮沙其水不深此國在紅毛淺東北岸疆域數百里民頗稠密性情兇獷後山與丁加羅吉蘭丹相連山中土番名獠麻叻子裸體跣足鳩形鵠面自為一類亦服國王管轄但與無來由不相為

婚嘗取蜜蠟沙藤沈香降香犀角山馬鹿脯虎皮等物出與國人交易閩粵人亦有到此者其產錫冰片椰子沙藤又曰吉德國在新埠西北又名計達由新埠順東南風日餘可到後山與宋卡相連疆域風俗亦與宋卡略同土曠民稀米價平減土產錫胡椒椰子閩粵人亦有至此貿易者由此陸路西北行二三日海道日餘到養西嶺陸路又行三四日水路約一日到蓬呀俱暹羅所轄地自宋卡至此皆無來由種類性多兇暴出入必懷短刀以花鐵為之長六寸有奇鑲以金海馬牙為柄其刃未有花紋者持以相鬪刀頭有紋者則佩之以為吉慶王及酋長皆然

每月統紀傳曰麻刺甲地方毘連于柔佛丁葛奴大年吉連丹宋脚諸國沿大山相續土番為無來由族類不識義理裸體挾刀下圍幅幔檳榔夾煙嚼貿易難容多

艘土產鉛錫翠毛佳紋蓆燕窩海參藤胡椒等貨諸國

相似所產相同麻刺甲在明朝時有馬萊由之王馬萊由一

作無因暹羅侵地麻刺甲遣貢使至北京控訴永樂三

年詔暹羅國王勿開兵隙暹羅王遣使謝罪然陽遵陰

違竟侵服之嘉靖年間葡萄牙兵船往麻刺甲盡力征

服設官治之天啟崇禎年間荷蘭又戰勝葡萄牙而有

其地至嘉慶年間英吉利以萬古累易之于是麻刺甲

為英吉利新藩開英華院以教唐人與土人且義學甚

多男女不論土番漢人皆知讀書故廣東與福建人居

東南洋 海岸國五

此種園耕田與實力嶼檳榔嶼貿易柔佛爲阿細亞大山諸國極南入海之山副馬萊西王管之彭亨有金沙錫甚盛福建船希往彼以柔佛彭亨性悍好鬪正是馬來西族類之習此外海濱國屬于暹羅者皆地小不足比數

顏斯綜南洋蠡測曰南洋之間有萬里石塘俗名萬里長沙向無人居塘之南爲外大洋塘之東爲閩洋夷船由外大洋向東望見臺灣山轉而北入粵洋歷老萬山由澳門入虎門皆以此塘分華夷中外之界唐船單薄

舵工不諳天文惟憑弔鉞驗海底泥色定爲何地故不能走外大洋塘之北爲七洲洋夷人知七洲多暗石雖小船亦不樂走塘之西爲白石口附近有一埠四面皆山一峽通進平原曠野頗有土人並無酋長產胡椒沙藤有唐人墳墓碑記梁朝年號及宋代咸淳或云此暹羅極東邊境十餘年前英吉利據此島名之曰星忌利坡召募開墾近聞已聚唐人雜番數萬閩粵之輕生往海外者冒風濤蹈覆溺而不顧良由生齒日眾地狹民稠故無室無家之人一往海外鮮回鄉者此島由外洋

海國圖志 卷九  
至粵十餘日，由七洲洋至粵僅七八日，近來英吉利甘心留粵，一則恃南洋港腳諸番沿途俱有停泊，二則恃星忌利坡離粵不遠，彼國雖隔數萬里之遙，今則無異鄰境，此外海岸土瘠產稀，如飛頭蠻等處，雖常到不屑顧其志，蓋欲扼此東西要津，獨擅中華之利，而制諸國之咽喉，古今以兵力行商賈，以割據爲壟斷，未有如英夷之甚者。

貿易通志 東南洋貿易之盛者，莫如暹羅及新嘉坡、暹羅與安南、緬甸相接，而通商最廣，中國買米買貨之船，赴其國者，歲百餘號，所駐中國人五萬有餘，英吉利亞默利加等國互市，每年貨價約銀五百萬餘員，新嘉坡本非國，乃斗入南海中一大峽，地方二千里，距澳門水程十更，向爲閩廣客民流寓，約二萬餘人，英吉利屢以兵船爭奪，嘉慶二十三年，襲而據之，置城戍兵，營肆貨招商賈，設英華書院，凡國中書籍，皆鏤板翻譯，延華人教其子弟，屹然爲巨鎮，計閩廣船歲往者八九十艘，安南三十六艘，暹羅四十艘，各南洋小船千三百餘艘，夾板船四百七十四艘，貨物出入，約計銀各八百餘萬員。

其地近中國故凡紅毛船之自澳門歸與自西洋至者均以此爲總匯此外麻刺甲檳榔嶼等處亦英吉利公司所據而貿易有限不及新嘉坡三分之一

梁書南夷傳扶南國在日南郡之南海西大灣中去日南可七千里在林邑西南三千餘里城去海五百里有大江廣十里西北流東入於海其國輪廣三千餘里土地滲下而平博氣厚風俗大較與林邑同出金銀銅錫沈水香象牙孔翠五色鸚鵡其南界三千餘里有頓遜國在海崎上地方千里城去海十里有五王竝羈屬扶

南頓遜之東界通交州其西界接天竺安息徼外諸國往還交市所以然者頓遜迴入海中千餘里漲海無崖岸船舶未曾得逕過也其市東西交會日有萬餘人珍物寶貨無所不有又有酒樹似安石榴采其花汁停甕中數日成酒頓遜之外大海洲中又有毘騫國去扶南八千里傳其王身長丈二頭長三尺自古來不死莫知其年王神聖國中人善惡及將來事王皆知之是以無敢欺者南方號曰長頸王國俗有室屋衣服噉秬米其人言語小異扶南有山出金金露生石上無所限也國

法刑罪人，竝於王前，噉其肉。國內不受估客，有往者亦殺而噉之。是以商旅不敢至。王長樓居，不血食，不事鬼神。其子孫生死如常人。唯王不死。扶南王數遣使與書相報達。常遺扶南王純金五十人，食器形如圓盤。又如尾塹，名爲多羅，受五升。又如椀者，受一升。王亦能作天竺書，書可三千言，說其宿命所由，與佛經相似。竝論善事。又傳扶南東界，卽大漲海。海中有大洲，洲上有諸薄國。國東有馬五洲，復東行漲海千餘里，至自然大洲。其上有樹生火中。洲左近人，剝取其皮，紡績作布，極得數

尺。以爲手巾，曾與焦麻無異。而色微青黑。若小垢溲，則投火中，復更精潔。或作燈炷，用之不知盡。

案扶南爲今暹羅國，其南界三千餘里，有頓遜國。在海崎上，斗入海中三千餘里。則今之柔佛新甲埔也。頓遜之外，大海州中又有毘騫國。去扶南八千里，則未知爲今之婆羅小瓜哇島歟，抑小瓜島歟。至其東方連漲海中，有諸薄州。再東有自然大洲，則南洋諸嶠叢峙，固難一一指實之矣。

每月統紀傳曰：廣南沿海至占城祿賴，繞西而至東。



海國圖志 卷九  
埔寨東埔寨雖別自一國界在越暹二國之間東貢越南西貢暹羅土番爲馬萊西裸體居多以布幅帷下身自東埔寨大山繞至西南爲暹羅沿山海而南爲斜仔邑六坤邑麻刺甲地方與柔佛丁機宜或丁葛奴大年吉連丹宋腳諸國沿大山相續土番爲馬萊酋族類不識義理裸體挾刀下圍幅幔檳榔夾烟嚼貿易難容多艘土產鉛錫翠毛佳紋席燕窩海參藤胡椒等貨麻刺甲向來有馬萊酋土君因暹羅王於明朝時侵伐其國服之嘉靖年間葡萄牙人往麻刺甲盡力征服設官治

之天啓崇禎時爲荷蘭所奪自是荷蘭管其國至道光年間英吉利以萬古累島易之英人因於麻刺甲開新藩立英華院教唐人在其土所生之子兼通中西文藝且多設義學無論男女土番漢人皆令讀書故閩廣人居此種耕與息力檳榔嶼生理甚旺柔佛爲亞西亞諸國極南入海之大山馬萊西王管之又彭亨有金沙錫礦福建船希往彼永樂年間二王遣公使朝貢蓋柔佛與彭亨王兩國好鬪正是馬萊西各族之性情也此外各島在東海濱朝貢暹羅王奉金葉表諸方物都是小

地方居民甚懈惰，又曰新甲埔，一名息力，此小島舊是馬萊西土君所轄，為海賊之藪，近歸英國所管，地雖極小，其生理為南海至盛，不但西洋夾板斷續往來，且武吉及馬萊西之船，安南暹羅各國之船，皆無數出入，英國之官不納餉稅，任人貿易，商賈輻輳，福建廣東人住此，為商匠士農者無數，英吉利有營汛炮臺。

地里備考曰：馬拉加國在亞細亞州之南北極出地一度二十二分起至九度三十分止，經線自東九十六度二十分起至一百零二度止，東西南三面枕海，北界暹

羅國，長約二千餘里，寬約五百里，地面積方約十萬里，人烟希疎，地勢嶄巖，岡陵綿亘，叢林廣布，水澤瘴癘，島嶼充斥，樹木蔚茂，湖河稀小，貫徹其地，田土頗瘠，果實略多，禽獸蕃衍，魚鹽豐盈，土產金鐵錫蜜蠟珍珠燕窩豆蔻檳榔血竭兒茶象牙牛皮甘蔗木料沙穀米巴馬藤油各等物，地氣溫和，王位世襲，所奉之教，乃回教也，貿易興隆，商賈輻輳，國內地方里哥爾等處，現歸暹羅國兼攝，一北刺克部，一薩靈哥爾部，一惹何爾部，一巴杭部，一隆波部，各處自為立主，不相統屬，國人號曰馬

來由，然猶有薩忙的公北奴之目焉。

又新埠島，一名布路檳榔，在馬拉加海峽之間，長六十里，寬三十里，地多肥饒，菓木茂盛。

又息辣島，一名新嘉坡，在馬拉加海峽口，田土膾腴，菓木豐茂，貿易昌盛，商賈雲集，其馬拉加舊國，近日人烟反少，貿易蕭疎，以上各處，于道光十年皆受駐榜加刺之兵帥節制。

外國史略曰：亞西亞地嘴西出蘇門馬六加二地中間，為海峽，各島散布如星棋，最大者檳榔嶼，在西邊，距對

面貴他大山不遠，北極出地五度二十五分，偏東一百度九分，廣袤方圓五百里，居民五萬一千，嶼有高山有溪，地氣和暖，山水甚美，前本荒島，乾隆五十年，英國公班牙買為船廠，開墾豐盛，每年出胡椒二萬石，丁香豆蔻，價值銀十萬員，對面之貴他島，亦種甘蔗，產物三萬石，日增月盛，四方雲集，福建人尤多，居然都會，國家所費有限，而收餉過之。○新嘉坡，或稱新實力坡，或稱新埠頭，海峽中之嶼，北極出地一度十五分，偏東一百零四度，土甚礪，大林多虎，出胡椒檳榔膏，為印度遠至中

國之路，海由西轉東，此峽爲所必經，故英國公班衙于嘉慶二十三年，買以開埠，其始居民僅百五十口，頓增至二萬餘，中多唐人，盡免稅餉，道光十四年，各西國及他國之甲板四百七十二船，中國之商二十七船，越南四十九船，暹羅二十四船，蘇來由七十二船，婆羅島一百三十八船，西里白島五十五船，巴里嶼六十三船，牙瓦島七十二船，蘇門他拉島五百一十四船，檳榔嶼八船，馬六加六十船，西邊蘇來由族類四十六船，料嶼二百五十一船，附近之列嶼二百二十船，各國所運入貨

物約共一千萬員，而運出之物，有加于此，各方雲集，遂爲亞西亞之大市。○新嘉坡賓當島，荷蘭在此築炮臺開市，稱曰料嶼，出胡椒、檳榔膏，土民所食者，參、菓、葉、檳榔子，製造物件，多潮州人，通商不廣，收餉甚微，設兵守島，有巡船捕海盜，有蘇來由土酋代辦島務。○賓當島所屬令音嶼，蘇來由以劫盜爲務，荷蘭與約給俸祿，令其毋爲海賊，有犯卽刑，其地磽，出錫，無他產，亦不出五穀。○此島之北，向有亞南巴那土那等荒島，爲海賊所潛匿。

外國史略曰馬六加古國也北極出地二度及十度長二百六十五里闊四十里其地半蕪來由族類中間黑山遍延內多支溪下流入海有沙線入海口居民甚罕惟伐木搭棚而已山內盡黑面人無衣服居處舊屬暹羅管轄其馬六加之君于宋德祐二年始創立國明武宗正德五年暹羅大軍攻其城敗退葡萄牙水師攻陷其地自後歸葡萄牙順治元年荷蘭又降其城邑嘉慶間英人又破之是時有耶穌門徒開學館教化其俗當此際有英官管理埠頭但通商甚微物產不多如金沙

錫南果胡椒五穀悉由外國運入天氣清爽無瘴氣居民罕少亦有蕪來由並印度人其山水特美麗

又曰蕪來由列國沿南洋海斗出甚長其中多山草木茂盛多檀香沈香沙藤山多錫礦溪有金沙海邊多椰子民惰地荒獨海邊有數屋皆竹葵爲之附近種蕉樹食其果終日嚼檳榔青烟以水和飯日用不多故頗自足每日多眠睡間出爲海盜乃盡力劫掠體矮而帶喜色若激其怒則憤烈如虎然無膽略易奔潰沿海各處有土酋皆甚貧乏賴中國人代理其貿易最多者廈門

等處之人其餘若蕪來由之列地由暹羅而南斜行到六坤宋腳此地之民半暹羅語音喜拜佛像半蕪來由各類並回回人拜天地真主暹羅之官在此者每酷虐蕪族其大尼車丹丁葛奴等地沿山陸續皆以金銀樹貢暹羅且准貢使買五穀而回南連此地者曰彭亨南方之極南者爲柔佛另有微地難細述風俗多相似所產亦相同中國閩廣人至此貿易每獲厚利民以金錢爲幣重四五分不用銀惟用番頭以爲通行之寶經商每年僅可容三四船所市者金沙胡椒沙藤冰片海參

燕窩翠毛佳文蓆亦以鴉片布疋易胡椒等物

萬國地理全圖集曰麻海陝之東口有新嘉坡埠北極出地一度十五分偏東一百零四度嶼地不大獨出胡椒檳榔膏嘉慶二十三年英國官憲買其嶼以後廣開商路不論何國船隻赴市槩免稅餉遂爲南海各島貿易之中市中國船隻每年幾十巨艦常駕閩粵客數十人到此買賣耕作所居漢人共一萬有餘丁此外列西國夾板每年幾百隻運進布帛器皿以南洋物產易之居民早夜奔馳日無甯晷蕪吉蕪來由等人住其海濱

皆屬英人管轄，每年運進載出之貨價，共計銀八千九百萬員。○又曰檳榔嶼在西北，有高峯，其土種植玉菓胡椒，所出不少，山水甚美，居民五萬四千丁，其中有一萬係漢人，對面沿海地方，又歸英國轄，故立總文官兼攝檳馬新等處。○又曰南洋島之沿海，燕來由族居之，身體弱矮，面紫，髮黎甚長，纏頭赤腳，腰圍紋布，穿襯各帶短刀，怒即刺人，時喫檳榔，遊玩並不務工，駕船捕魚為海賊，奉回回教，往其教主葬處燒香歸，則庶民敬仰其人，內地居民不同，面有紫黑二類，黑面者寓山穴叢

林為其原土人，智量有限，是以中國人乘機取利，廣州府與嘉應州人為工，潮州府人為農，福建人為商，最獲利者，乃廈門漳州之商，大半留住，不歸，每年一次寄信及銀，以補親戚之用，一歸故鄉，盡皆耗費，仍返棹尋利矣。凡出外國之人，多係內地棍徒，離家庭，走絕域，但不帶婦女，與土女結親生子，而自新者鮮，遍地吃鴉片賭錢，澆風日熾，至西國之人，荷蘭操權尤廣，此國之商賈少，皆屬文武，與土人來往，溫良不驕，是班牙國人好逸避勞，土人但崇天主教，有大權者乃僧也，其商賈甚少。

並不出其本屬之島，英人惟據三島，以通商為重，故開港免餉，以招四方之商賈，然與土人仍無往來之理，蓋教門語言嗜尚，各不相通也。

魏源曰：英夷開闢新嘉坡，富庶聞於中國，已數十年，皆不知為古時何國。閱海錄及英夷海圖，始知卽柔佛、滿刺加、故墟。蓋明以前，滿刺加為南洋之都會，英夷始移其貿易于柔佛。新嘉坡有堅夏書院，彌利堅國人所建，麻六甲有英華書院，英吉利所建，皆外夷習學漢文及翻刻漢字書籍之所故所刻書，皆著此兩書院藏板。皆暹羅之東南境，海岸相連，並非島嶼，距大嶼山僅五六日程，平衍數百里。

斗出海中，形如箕舌，扼南洋之要衝。乾隆以前，多為閩粵人流寓，自英夷以兵奪據，建洋樓，廣衢市，又多選國中良工技藝，徙實其中，有鑄礮之局，有造船之廠，並建英華書院，延華人為師，教漢文漢語，刊中國經史子集圖經地志，更無語言文字之隔，故洞悉中國情形，虛實而中國反無一人瞭彼情偽，無一事師彼長技，喟矣哉！方康熙初定臺灣時，廷議欲遷其人，棄其地，專守澎湖，獨施琅力爭之，謂不歸中國，必歸于荷蘭。聖祖從之，設官置戍，海外有截，使當日執捐珠厓之議，臺灣今



日不爲新嘉坡者，幾希使後世有人焉。日翻夷書刺夷事，籌夷情如外夷之偵我虛實，其不轉罪以多事甚坐以通番者，幾希。彭亨柔佛等國，明以前不見于史，蓋卽梁書之丹丹。廣書作單單在振州東南而隋唐書並言往婆利州者，先由赤土丹丹而至其國，赤土爲扶南，則丹丹必其相連之東南境，故有唐人墓及梁宋碑記云。

